



明中武  
第 82  
卷 93



經閉

內經陰陽別論云二陽之病發心脾有不得隱曲女子不月其傳為風消為息賁者死不治 潔古曰女子月事不來者先瀉心火血自下也內經曰二陽之病發心脾有不得隱曲故女子不月其傳為風消王啓玄注曰大腸胃熱也心脾受之心主血心病則血不流脾主味脾病則味不化味不化則精不足故其病則不能隱曲脾土已虧則風邪勝而氣愈消也又經曰月事不來者胞脉閉也胞脉屬於心絡於胞中今氣上迫肺心氣不得下通故月事不來先服降心



火之劑後服局方中五補丸後以衛生湯治脾養血也。李東垣曰經閉不行有三補前人之闕。婦人脾胃久虛形體羸弱氣血俱衰而致經水斷絕不行或病中消胃熱善食漸瘦津液不生夫經者血脉津液所化津液既絕為熱所燬肌肉漸瘦時見渴躁血海枯竭名曰血枯經絕宜瀉胃之燥熱補益氣血經自行矣此病或經適行而有子子亦不成而為胎病者有矣。此中焦胃熱結也。或心包絡脉洪數躁作時見大便祕澀小便雖清不利而經水閉絕不行此乃血海乾枯宜調血脉除包絡中火邪而經自行矣。此下焦胞脉熱

結也或因勞心心火上行月事不來者胞脉閉也包脉者屬於心而絡於胞中今氣上迫肺心氣不得下通故月事不來宜安心補血瀉火經自行矣。此上焦熱也裴澤之夫人病寒熱月事不至者數年又加喘嗽警者率以蛤蚧桂附投之曰不然夫人病陰為陽所搏温劑太過故無益反害投以凉劑凉血和血藥則行矣已而果然。

五補丸局補諸虛安五臟堅骨髓養精神

- 熟地黄
- 人參
- 牛膝酒浸去蘆焙乾
- 白茯苓
- 地骨皮各等分

右為細末煉蜜丸如梧子大每服三五丸溫酒下空心服

衛生湯

當歸

白芍藥 各貳兩 黃芪 叁兩

甘草 壹兩

右為末每服半兩水二盞煎至一盞溫服空心如虛者加入參壹兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食消渴治以調胃承氣之類火在下則大小

秘澀治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈當歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

素帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之奈何岐伯曰以四烏鱧骨一蘆茹二味并

合之丸以雀卵大如小豆以五丸為後飯飲以飽魚  
汁利腸中及傷肝也腹中論○王註云烏鰂魚骨主  
痿鮑魚王菰血河間宣明論方烏鰂骨薏苡各等分  
雀卵不拘數和丸小豆大每服五丸至十九煎鮑魚  
湯下食後日二十  
服壓以美膳

右岐伯河間治血枯之法

丹血枯經閉者四物湯加桃仁紅花陰虛經脈久  
不通小便短澀身疼者四物加蒼朮牛膝陳皮生甘  
草作湯又用蒼莎丸加蒼耳酒芍藥為丸就煎前藥  
吞下

右丹溪治血枯大法

薛夫經水陰血也屬衝任二脈主上為乳汁下為月  
水其為患有因脾虛而不能生血者有因脾鬱傷而  
血耗損者有因胃火而血消燬者有因脾胃損而血  
少者有因勞傷心而血少者有因怒傷肝而血少者  
有因腎水不能生肝而血少者有因肺氣虛不能行  
血而閉者治療之法若脾虛而不行者調而補之脾  
鬱而不行者解而補之胃火而不行者清而補之脾  
胃損而不行者調而補之勞傷心而不行者靜而  
補之怒傷肝而不行者和而補之肺氣虛而不行者  
補脾胃腎虛而不行者補脾肺經云損其肺者益其

氣損其心者調其榮衛損其脾者調其飲食適其寒  
 溫損其肝者緩其中損其腎者益其精審而治之庶  
 無誤矣 一婦人停食飽悶發熱或用人參養胃湯  
 益甚再用木香檳榔丸泄瀉吐痰腹中成塊飲食少  
 息又用二陳黃連厚朴之類前證益甚腹脹不食月  
 經不至余以為胃氣虧損用補中益氣加茯苓半夏  
 三十餘劑脾胃健而諸證愈又二十餘劑而經自行  
 一婦人飲食後或腹脹或吞酸彼服枳木丸吞酸  
 益甚飲食日少胸膈痞滿腿內酸痛畏見風寒又服  
 養胃湯一劑腿內作痛又一劑腿膝浮腫月經不行

余謂鬱結所傷脾虛溼熱下注侵晨用四君二陳等  
 歸午後以前湯送越鞠丸飲食漸進諸證漸愈又用  
 歸脾八珍二湯兼服兩月餘而經行 一婦人性沈  
 多慮月經不行胸滿少食或作脹或吞酸余以為中  
 氣虛寒用補中益氣加砂仁香附煨薑二劑胸膈和  
 而飲食進更以六君加芎歸貝母桔梗生薑大棗數  
 劑脾胃健而經自調矣 一婦人素有胃火或用清  
 胃散而安後因勞役躁渴內熱肌肉消瘦月經不行  
 余謂此胃火消燦陰血用逍遙散加丹皮炒梔以清  
 胃熱用八珍湯加茯苓遠志以養脾血而經自行矣

婦人久患瘡形體怯弱內熱晡熱自汗盜汗飲食少思月事不行或用通經丸虛證人具余曰此因虛而致瘡因瘡以閉經也用補中益氣及六味地黃丸各百餘劑瘡愈而經行 一婦人久患瘡瘡作則經不行形虛脉大頭痛懶食大便泄瀉小便淋瀝口乾唇裂內熱腹膨蓋由久瘡正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行 一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦月經不行晡熱內熱

自汗盜汗用六味地黃丸補中益氣湯頓愈 一婦人胃氣素弱為哭母吐血咳嗽發熱盜汗經水三月不行余以為悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈 一癡婦少寐經水兩月餘一至誤服通經丸展轉無寐午前惡寒午後發熱余以為思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘡愈 右薛氏治血枯大法以補養真元為主蓋本易水師弟之旨而廣之王道也



下利解  
斷者利  
止自來

脈問曰婦人病下利而經水反斷者何也師曰但當  
止利經自當下勿怪所以利不止而血斷者但下利  
亡津液故經斷利止津液復經當自下 問曰婦人  
病經水斷一二月而反經來今脈反微澀何也師曰  
此前月中若當下利故令妨經利止月經當自下此  
非軀也 婦人血下咽乾而不渴其經必斷此榮不  
足本自有微寒故不引飲渴而引飲者津液得通榮  
衛自和其經必復下

有腹痛  
瘧嘔為  
汗血老  
痰

仲婦人之病因虛積冷結氣為證經水斷絕至有歷  
年血寒積結胞門寒傷經絡凝堅在上嘔吐涎沫久

汚血

成肺癰形體損分在中盤結繞臍寒疝或兩脇疼痛  
與臟相連或結熱中病在關元脈數無瘡肌若魚鱗  
時着男子非止女身在下未多經候不勻令陰掣痛  
少腹惡寒或引腰脊下根氣衝氣衝急痛膝脛疼痛  
奄忽眩冒狀如厥顛或有憂慘悲傷多嘔此皆帶下  
非有鬼神久則羸瘦脈虛多寒三十六病千變萬端  
審厥陰陽虛實緊弦行其針藥治危得安其雖同病  
脈各異源子當辨記勿謂不然  
丹經候過期不行杜牛膝搗汁大半鍾以玄胡末壹  
錢香附末枳殼末各半錢早調服

大萬病丸 治經事不來繞臍痛

乾漆并碎炒烟 牛膝去苗酒浸一宿

右為末以生地黄汁壹升入二味藥末銀器內慢火熬可丸即丸如桐子大每服二丸空心米飲或温酒下

土牛膝散 治婦人室女血閉不通五心煩熱

土牛膝 當歸尾各壹兩 桃仁去皮另研

紅花各半兩

右為細末每服二錢空心温酒下

當歸乾漆丸 治月經不利臍下慙逆氣脹滿見調經門

治月經雍滯臍腹疔痛

當歸 玄胡索

右為麤末每服三錢薑三片水一鍾半煎至七分去滓稍熱服

當歸散 治血脉不通

當歸 穿山甲灰炒 蒲黃炒各半兩

辰砂另研壹錢 麝香少許

右為細末研勻每服二錢食前熱酒調下

琥珀散 治心膈迷悶腹臑痛氣急氣悶月信不通等疾

天台烏藥 貳兩 當歸

莪朮 各壹兩

右為細末每服二錢温酒調下後以食壓之忌生

冷油膩產後諸疾炒薑酒調下

小腸移熱於大腸為伏瘕為沉玉註云血澀不利則月事沉滯而不行

聖治婦人月水澁滯不快結成瘕塊筋脹大欲死用

馬鞭草根苗五斤剉細水五斗煎至一斗去查別以

淨器盛熬成膏食前温酒調下半匙本草云馬鞭草辛涼破血瘕

羅血極膏治婦人乾血氣以川大黃為末用醎醋熬

成膏子丸如鷄頭大每服一丸酒化開臨卧温服太

便利一二行後紅脉自下是婦人之仙藥也加當歸

頭

仲婦人經水不利抵當湯主之亦治男子胸臆滿急有瘀血者方見傷寒

血

產寶方 治月經不通腹中痛

牛膝 陸分

大黃

桃仁 去皮尖炒

細辛 各伍分

川芎

當歸 各肆分

水蛭 叁分糯米炒黃

右為細末煉蜜丸梧子大每服二十九空心温酒

下

千金桃仁煎 治血積癥瘕月水不行

經閉  
大黃 濕紙裏蒸 朴硝

杏仁 製炒 各貳兩

二重蟲 壹兩去足 翅炒黑

右為細末醋二升半銀石器中慢火熬膏却入大黃桃仁重蟲末不在攪度可丸却入朴硝再攪良久出之丸如梧子大五更初温酒下五丸至日午取下如赤豆汁雞肝鬚薑衣樣候鮮紅任服仍以調氣藥補之

三稜丸 治婦人經脉不通氣痛帶下兼治血瘕

三稜 醋炒

川芎

牛膝

玄胡索

蓬朮 醋炒

蒲黃

菴藺

牡丹皮

芫花 醋炒

白芷

當歸

地龍 去土酒浸炒

乾薑 炮各壹兩

大黃 貳兩為末以米醋熬成膏和藥

右為細末以太黃膏和丸如梧子大每服三五十九空心醋湯下或紅花煎酒下

右經一節方七首皆治汚血有熱而經閉前下方輕劑後六方重劑也

雲 紅花當歸散 治婦人經候不行或積瘀血腰腹疼痛及室女月經不通

紅花

當歸尾

紫葳

汚血有寒

牛膝

甘艸

蘇木

細剉各貳兩

赤芍藥 玖兩

劉寄奴 伍兩

桂心

白芷 各壹兩半

右為細末空心熱酒調三錢服之食前臨卧每服若久血不行濃煎紅花酒下孕婦休服一名凌香花散即紫葳

牛膝散 見調經門月水不利條

溫經湯 見前調經門

桂枝桃仁湯 治婦人月事不通小腹膨脹疼痛前

調經門腹痛條

牡丹散 見前調經門月水不利條

通經丸 本

治婦人室女月候不通或成血瘕 本草入雞

子清同女畏漆入腸胃生瘡也

桂心

青皮 去白

大黃 炮

乾薑 炮

川椒 炒出汗

川烏 炮

蓬莪朮

乾漆 炒煙盡

當歸

桃仁 製炒各等分

右為末先將四錢用米醋熬成膏和餘六錢末成劑曰中柝丸如桐子大晒乾每服二十九用淡醋湯下加至三十九溫酒亦得空心食前服 濟生去川烏加紅花等分

滋血湯 治勞動致臟腑衝任氣虛不能約制經血以致崩中或下鮮血或下五色連日不止淋漓不斷形羸血劣倦怠困乏月水閉絕

馬鞭草

牛膝

荆芥穗 各貳兩

當歸

肉桂

牡丹皮

赤芍藥

川芎 各壹兩

右每服四錢烏梅一箇水二盞煎一盞食前服日進四五服服至半月或一月經脈自通  
右方七首皆治汚血有寒而經閉前四方輕劑後二方重劑也

結痰

大治月水不通屢試有驗厚朴不以多少薑汁炙香細切濃煎去渣空心服不過三四劑瘥者宜氣盛丹積痰傷經不行夜則妄語

瓜蒌子 壹兩

黃連 半兩

吳茱萸 拾兩

桃仁 伍拾粒

紅麴 貳錢

縮砂 叁兩

山查末 壹兩

右生薑汁研炊餅為丸

軀脂滿經閉導痰湯加芩連不可服地黃如用薑汁拌炒導痰湯即一陳加枳實黃連是也

楊村婦人年二十餘兩年經閉食少乏力

黃連 貳錢

白朮 壹錢

陳皮

滑石 各壹錢

黃芩 半錢

木通 叁分

桃仁 拾貳箇

甘草 炙 少許

此方分兩有訛

右丹溪治痰結胸腹而經閉之法皆用輕劑導痰降火也

經云氣上迫肺則心氣不得下通故月事不來今用連朴之類導痰降火使不上迫於肺故心氣下通而月事來也

丹溪治一婦人久瘡食少經閉兩手無脉每自與三花神祐丸十餘粒津咽之月餘食進脉出又半月脉

愈又一月經行亦此意也詳見久瘡予嘗體丹溪之意治陳氏婦二十餘歲形肥痞塞不食每自臥至未時吃一盞薄粥吃粥後必吐水半碗仍復臥經不通三月矣前番曾暗通黑色脉之辰時寸關滑皆有力午後關滑寸不滑詢之因乘怒飲食而然遂以白朮壹兩半厚朴黃連枳實各壹兩半夏茯苓陳皮山查人參滑石各捌錢縮砂香附桃仁各半兩紅花貳錢分作十貼每白服一貼各入薑汁二蜆殼間三日以神祐丸神祕沉香丸微下之至十二日吐止食漸進四十日平復如故又汪氏婦三十餘形瘦亦痞不食

吐水經不通以前藥方加參朮歸為君煎熟入竹瀝  
半盞薑汁服之但不用神佑丸下亦平復若咳嗽寒  
熱而經閉者當於欬門濕痰條求之

子和凡婦人月事不來用茶調散吐之次用玉燭散  
芎歸湯三和湯桂苓白朮散之類降心火益腎水開  
胃進食分陰陽利水道之藥也 一婦人月事不行  
寒熱往來口乾頰赤飲食少日暮間欬一二聲諸醫  
皆用蠶蟲水蛭乾漆礪砂芫青紅娘子沒藥血竭之  
類惟戴人不然曰古方雖有此法柰病人服之心膈  
腹發痛飲食不進乃命止藥飲食少進內經曰二陽

之病發心脾心受之則血不流故女子不月既心受  
積熱宜抑火升水流濕潤燥開胃誘食乃涌出痰十  
二升下泄水五六行濕水上下皆去血氣自然湍流  
月事不為水濕所隔自依期而至矣亦不用蠶蟲水  
蛭之類有毒之藥如用之則月經總來小溲反閉他  
證生矣凡精血不足宜補之以食大忌有毒之藥偏  
勝而致天闕多矣 一婦人年三十四歲經水不行  
寒熱往來面色痿黃唇焦頰赤時咳三十一聲問其所  
服之藥黑神散烏金丸四物湯燒肝散鼈甲散建中  
湯寧肺散針艾千百轉劇家人意倦不欲求治戴人



懣之先涌痰五六升午前涌畢午後食進餘證悉除  
 後三日復輕涌之又去痰一二十升食益進不數日又  
 下通經散瀉訖一二升後數日去死皮數重小者如  
 麪片大者如葦膜不用餘經水自行神氣大康矣  
 月事不來者胞脉閉也胞脉者屬心而絡於胞中今  
 氣上迫肺心氣不得下通故月事不來也全又見水腫  
 大室女月水不來用雄鼠屎一兩燒存性為細末空  
 心温酒調下一錢神效  
 海掌中金丸 治婦人乾血氣  
 穿山甲炮 甘草 苦丁香

川椒 苦葶藶 白附子  
 猪牙皂角 草烏頭各叁錢 巴豆壹錢全用  
 右為細末以生葱絞汁和丸彈子大每用一丸新  
 綿包之內陰中一日即白二日即赤三日即血神  
 效  
 仲婦人經水閉不利臍堅癖不止中有乾血下白物  
 礬石丸主之

礬石叁錢燒 杏仁壹分  
 右一味末之煉蜜丸棗核大內臍中劇者再內之  
 屋女經閉成勞 寇宗奭曰夫人之生以氣血為本

之病未有不先傷其氣血者。若室女童男積想在心，思慮過度多致勞損。男子則神色消散，女子則月水先閉。蓋憂愁思慮則傷心，而血逆竭，神色先散。月水先閉，且心病則不能養脾，故不嗜食。脾虛則金虧，故發嗽。腎水絕則木氣不榮，而四肢乾痿。故多怒，鬢髮焦，筋骨痠。若五臟傳徧則死，自能改易心志。用藥扶持庶可保生。切不可用青蒿、茵陳等涼血行血，宜用柏子仁丸、澤蘭湯益陰血，制虛火。《陸經》云：五穀入於胃，其糟粕津液宗氣分為三隧。故宗氣積于胸中，出於喉嚨，以貫心肺而行呼吸。榮氣者，泌其津液，注

之於脉，化以為血，以榮四末，內養五臟六腑。若服苦寒之劑，復傷胃氣，必致不起。一室女年十七，歷久不愈。天癸未通，發熱咳嗽，飲食少思，欲用通經丸。余曰：此蓋因稟氣不足，陰血未充，故耳。但養氣血，益津液，其經自行。彼惑於速效，仍用之。余曰：非其治也。此乃剽悍之劑，大助陽火，陰血得之則妄行，脾胃得之則愈虛。後果經血妄行，飲食愈少，遂致不救。

柏子仁丸

全大

治如上證

煎服澤蘭湯

柏子仁

研炒別

牛膝

卷柏

各半兩

澤蘭葉

續斷

各貳兩

熟地黃

參兩

經閉 女和 九  
為細末煉蜜丸如梧子大空心米飲下二十九

澤蘭湯

澤蘭葉

參兩

當歸

芍藥

各壹兩

甘草

半兩

為麤末每服五錢水一盞煎一盞溫服

沉香鼈甲散 室女經候凝滯或頭自昏悶停痰五

心虛煩少食多困

沉香

甘草

檳榔

各參分

木香

常山

當歸

柴胡

人參

半夏

桂心

生地黄

白茯苓

青皮

淨陳皮

各壹兩

鼈甲

壹兩半

右為細末每二錢薑二片水煎七分空心溫服

劫勞散 療心腎俱虛水火不交初則微嗽遇夜發

熱即冷有盜汗倦怠瘦弱減食恍惚或微嗽唾中

有紅線名曰肺痿為不治

白芍藥

陸兩

黃芪

甘草

人參

當歸

半夏

白茯苓

北五味子

阿膠

炒

熟地黄

洗各貳兩

右咬咀每三天錢水盞半薑十二片棗三枚煎溫服百藥不効下料除根

麥煎散 治少男室女骨蒸婦人血風攻疰四肢心

胸煩壅口臭肌熱盜汗

鼈甲 大黃 煨 常山

赤茯苓 柴胡 白朮 生地黃

當歸 乾漆 炒煙盡 甘草 半兩

石膏 各壹兩 右為細末每服二錢水一盞小麥五十粒食後臨

卧溫服有虛汗加麻黃根一兩

牡丹散 治血氣虛損內則月水不行外發潮熱

肢體羸困漸成骨蒸 乾漆 炒貳兩 蘇木 蓬莪朮

鬼箭 各壹分 甘草 當歸

桂心 牡丹皮 芍藥

延胡索 炒 淨陳皮 紅花

烏藥 沒藥 別研各壹兩

右咬咀每服三錢水一盞煎七分溫服無時

大神湯 治血氣不足肌體煩熱四物湯加黃芪

地骨皮各等分咬咀水煎又治衝任虛損月水

行肌膚發熱如癩狀四物湯各一兩柴胡半兩黃芩一分水煎

桃仁散 治婦人女子血閉不通五心煩熱

紅花 當歸 桃仁炒 牛膝各等分

右為末每服三錢酒調下空心服

脉師曰有一婦人將一女子年十五所來診言女子年十四時經水自下今經反斷其母言恐怖師曰若是夫人親女必夫人年十四時亦以經水下所以斷此為避年勿怪後當自下此真氣猶怯稟賦素弱而然也宜固天元真氣使水升火降則五臟自和而經

脉通矣 八方

鹿茸 山茱萸 當歸各肆兩 麝香壹兩

為細末入麝香拌勻和酒糊為丸每服百丸或五十丸温酒鹽湯任下

針灸心經脉不通已有寒熱此穴大效 三陰交三分

立有效如疹時乃經脉要通也 曲池 支溝 三里 二陰交

此四穴壅塞不通則瀉之如虛耗不行則補之

集月經斷絕 中極 三陰交 腎俞 合谷

東又法 四滿在丹田傍一寸半

心經脉不通變成癡證飲食如常腹漸大如蠱氣

海用針通管去其瀉水惡物陰交取法亦如上

甲月水不通奔泄氣上下引脊脊痛氣充主之女

子不下月水照海主之婦人少腹堅痛月水不通

帶脉主之月水不利見血而有身則反敗及乳腫

臨泣主之臨泣主之

診腎脉微瀆為不月

血崩 殺血心痛附

大法丹紫色成塊者血熱四物加黃連柴胡之類

氣虛血虛者皆於四物內加參芪急則治其標白

芷湯調百草霜甚者棕櫚灰後用四物加炒乾薑調

理因勞者用人參帶升補藥因熱者用黃芩因寒者

用炒乾薑戴血大至曰崩中或清或濁或純下瘀

血或腐勢不可止證狀非一所感亦異甚則頭目昏

暈四肢厥冷並宜膠艾湯噫震靈丹佐以三灰散或

以童子小便煎理中湯或以沉香降氣湯加入百草

霜米飲調下血崩甚而腹痛人多疑惡血未盡又見

血色瘀黑愈信惡血之說不敢止截大凡血之為患  
欲出未出之際停在腹中即成瘀色難盡以瘀為惡  
又焉知瘀之不為虛冷乎若必待見瘀血之後截之  
恐併與人無之矣此腹痛更有說瘀而腹痛血通而  
痛止崩而腹痛血住則痛止宜尋歸湯加乾薑熟附  
一錢止其血而痛自止仍以刺花繡拭黑片燒灰研  
末米飲調下一方以毛蟹殼燒存性米飲下亦有以  
旱黃麻根燒灰為末米飲下薛經云陰虛陽搏謂  
之崩又云陽絡傷則血外溢陰絡傷則血內溢又云  
脾統血肝藏血其為患因脾胃虛損不能攝血歸源

或因肝經有火血得熱而下行或因肝經有風血得  
風而妄行或因怒動肝火血熱而沸騰或因脾經鬱  
結血傷而不歸經或因悲哀太過胞絡傷而下崩治  
療之法脾胃虛弱者六君子湯加當歸川芎柴胡脾  
胃虛陷者補中益氣湯加酒炒芍藥山梔肝經血熱  
者四物湯加柴胡山梔苓朮肝經風熱者加味逍遙  
散或小柴胡湯加山梔芍藥丹皮若怒動肝火亦用  
前藥脾經鬱火者歸脾湯加山梔柴胡丹皮哀傷胞  
絡者四君子湯加柴胡升麻山梔故東垣丹溪諸先  
生云凡下血證須用四君子以收功斯言厥有旨哉

血崩  
若大去血後母以脈診當急用獨參湯救之其發熱潮熱咳嗽脈數乃是元氣虛弱假熱之脈也尤當用人參之類此等證候無不由脾胃先損故脈洪大察其有胃氣受補則可救設用寒涼之藥復傷脾胃生氣反不能攝血歸源是速其危也

經驗簡要治崩中等證冷者脈緊細手足寒紅去淡黑或五色當歸建中加白龍骨血竭附子下紫石英丸震靈丹灸火熱者脈洪四肢溫心煩口苦燥血沸而成用黃芩湯荆芥散或清心蓮子飲加竹瀝生地黄汁甚者生地黄黃汁磨京墨百草霜冷服虛

者膠艾湯加麥門冬鹿茸龍骨酸棗仁或養榮湯加龍骨血竭送震靈丹實者腹中痛煮附丸四物湯加香附子心虛者恍惚多夢健忘舌強小便多面紅盜汗栢子仁湯酸棗仁湯加龍骨京墨百草霜吞靈砂丹又靈砂當歸蓮肉龍骨棗肉丸參湯送下崩中作麝香當歸香者心氣已散急服靈砂龍骨等有田婦崩中斷下者用大蕪根酒煎清早服生麥中如蓬蒿花或云卽薊根也  
產寶分陰崩陽崩受熱而赤謂之陽崩受冷而白謂之陰崩

血崩

女科

卷一



膠艾湯 治陽崩不止小腹疼痛見前月水不斷條  
固經丸 治陰崩不止

艾葉醋炒 鹿角霜 伏龍肝

乾薑各等分 為末

右鎔鹿角膠和藥乘熱丸食後淡醋湯下五十九  
丹溪云涎鬱胸中清氣不升故經肌壅遏而降下非  
開涎不足以行氣非氣升則血不能歸隧道此論血  
泄之義甚明蓋開胸膈濁涎則清氣升清氣升則血  
歸隧道不崩矣故其證或腹滿如孕或臍腹疔痛或  
血結成片或血出則快止則悶或臍上動其治法宜

開結痰行滯氣消汚血

開痰 江氏婦三十 歲墮胎後血不止食少中滿倦  
怠不起燥煩六脉沉伏而數重取微弦予作怒氣傷  
肝感動胃氣 一陳加川芎白朮縮砂二十貼而安  
仲旋覆花湯 治半產漏下脉弦而大

旋覆花參兩 蔥拾肆莖 新絳少許

右三味以水三升煮取一升頓服之本草云旋覆  
主留飲結氣  
半夏丸直 治下血吐血崩中帶下痰喘急滿虛腫  
亦消宿瘀百病

圓白半夏刮淨搥匾薑汁調飛白麩作餅包炙

黃色去麩取半夏作末

米糊為丸蒸豆大每服十九溫熟水下芎歸湯沉  
香降氣湯各半煎送下止血之要藥

干治婦人崩中下血不止以衣中白魚殭蠶等分為  
末以井花水服之日三服瘥

右三方開痰

**行氣** 羅備金散 治婦人血崩不止

香附子 肆兩 炒

當歸尾 壹兩 貳錢

五靈脂 壹兩 炒

右為細末每服伍錢醋湯調空心服立效

本治下血不止或成五色崩漏用香附子春去皮毛

中斷之略炒為末每服一錢清米飲調下此方徐嗣  
奉傳其內人有是疾徧服藥不效後服此遂愈久服  
為佳亦治產後腹痛大是婦人仙藥常服益血調氣

**大煮附丸**

見前調經平劑 一方用香附子白芷為丸

縮砂散 治血崩用縮砂仁不以多少於新瓦上炒

香為細末米飲調下三錢

右四方行滯氣

**消汚血** 世治血崩用乾荷葉濃煎湯一碗空心服之

立愈或調醋炒香附末尤妙

**五靈脂散**

治婦人血崩及治男子脾積氣

五靈脂 不以多少炒研  
右為末每服一錢溫酒調下此藥兼能解毒及蛇  
螫蜈蚣咬塗傷處立愈一方每服二錢水酒童便  
各半盞煎至八分通口服名抽刀散治產後有病  
服二服散惡血或心腹脇肋脚痛不可忍者可止  
用童子小便尤佳或中風即入草烏頭半錢同煎  
亦治腸風下血如不飲酒者煎烏梅栢葉湯調下  
如心煩口乾渴者加蒲黃炒減半一方燒存性霹  
靂酒下然此藥氣惡難喫燒之存性極妙一方治  
婦人經血不止加當歸兩片酒一鍾與藥末同煎

服昔親戚黃守正卿為和劑局日內子凌夫人忽  
苦此疾危殆百藥不効偶得此方旋服遂愈

雲治血崩不止五靈脂二錢炒熟加當歸酒同煎或  
水酒童便各半盞同煎服一方五靈脂半生半熟為  
末酒調服一方水煎五靈脂半乾去香澄清再煎成  
膏入神麩末為丸如桐子大空心溫酒下一二二十九  
便止

又方 鹿茸 醋炙 當歸 各貳錢 蒲黃 半兩炒 右為末  
溫酒調下五錢七日三服

仲桂枝茯苓丸 治婦人有癥在臍上動下血不止

方見胎動下血

右四方消汚血

**神養垣**當歸芍藥湯 治婦人經脉漏下不止其色鮮紅時值七月處暑之間先因勞役脾胃虛弱氣短逆自汗不止身熱悶亂惡見飲食亦不思食沉困懶倦四肢無力大便時瀉後復因心氣不足其經脉再下不止惟覺氣下脫其元氣逆上全無惟覺心腹中氣不行氣短則不能言是無力以言非懶語也此藥主之

黃芪 壹兩半

白朮

蒼朮

去皮

當歸身

白芍藥 各伍錢

甘草 炙

生地黄 各叁分

柴胡 貳分

熟地黄

陳皮 伍分

右十味為籠末作二服水煎去滓熱服空心一服之後漸減次日諸證悉去頓喜飲食所以者何蓋氣通而聞飲食之香得平康故也

**薛**一婦人面黃或赤覺腰間或臍下作痛四肢困倦煩熱不安經行先發寒熱兩肋如束血湧如崩此脾胃虧損元氣下陷與相火濕熱所致用補中益氣加防風芍藥炒黑黃蘗間以歸脾湯調補而血始歸經

汪石山治一婦年逾四十形色蒼紫忽病血崩醫者或用涼血或用止澁俱罔效診之六脉皆沉濡而緩按之無力乃氣病非血病也當用甘溫之劑健脾理胃使胃氣上騰血循經絡則無復崩矣遂用補中益氣湯多加參芪兼服參苓白朮散崩果愈

金匱膠艾湯 治勞傷血氣月水過多淋瀝漏下連日不止臍腹疼痛及妊娠將攝失宜胎動不安腹痛下墜或勞傷胞絡胞阻漏血腰痛悶亂或因損動胎上搶心奔衝短氣及因產乳衝任氣虛不能約制延引日月漸成羸瘦方見前月水不調條

醉一婦人久患血崩肢體消瘦飲食到口但聞腥臊口出津液強食少許腹中作脹此血枯之證肺肝脾胃虧損之患用八珍湯烏鰂魚骨圓煎服兩月而經行百餘劑而康寧如舊矣

栢子仁湯 治婦人憂思過度勞傷心經不能藏血遂致崩中下血不止

- 栢子仁炒
- 香附子炒去毛
- 芎藭
- 鹿茸火燎去毛酒蒸焙
- 茯神去皮
- 當歸各壹錢半
- 阿膠
- 小草各壹錢
- 川續斷貳錢
- 甘草炙半錢

右作一服水一鍾生薑五片煎至一鍾空心服  
補脾升陽 經水漏不住有二補前人之闕 婦人  
脾胃虛損致命門脉沉細而數疾或沉弦而洪大有  
力寸關脉亦然皆由脾胃有虧下陷於腎與相火相  
合濕熱下迫經漏不止其色紫黑如夏月腐肉之臭  
中有白帶者脉必弦細寒作於中有赤帶者其脉洪  
數病熱明矣必腰痛或臍下痛臨經欲行而先發寒  
熱往來兩脇急縮兼脾胃證出見或四肢困熱心煩  
悶不得眠臥心下急宜大補脾胃而升降氣血可一  
服而愈或先貴而後賤或先富而後貧病名脫營者

心氣不足其火大熾旺於血脉之中又致脾胃飲食  
失節火乘其中形質肌肉顏色似不病者此心病也  
不形於脉故脾胃飲食不調其證顯矣而經水不時  
而下或適來適斷暴下不止治當先說惡死之言勸  
諭令懼死而心不動以大補氣血之劑補養脾胃微  
加鎮墜心火之藥治其心補陰瀉陽經自止矣痿論  
云悲哀太甚則胞絡絕胞絡絕則陽氣內動發則心  
下崩數澀血也故經曰大經空虛發則肌痺傳為脉  
痿此之謂也

益胃升陽湯

治血脫益氣古人之法也先補胃氣

以助生長故曰陽生陰長諸甘藥為之先務舉世皆以為補氣殊不知甘能生血此陽生陰長之理也故先理胃氣入之一身內穀為寶

黃芪 貳錢

人參 有嗽者去之

神麴 炒各壹錢半

升麻

柴胡 各五分

白朮 叁錢

當歸身 酒浸

甘草 炙

陳皮 各壹錢

生黃芩

貳錢瀉盛暑之伏金肺逆秋涼不用

一方用生地黃

右為麤末每服三錢或五錢如食添再加之如食減已定三錢內更減之不可多服每服二錢水煎去滓熱服如腹痛每服加白芍藥一分中桂少許

如渴口乾加乾葛二分如嗽去人參服不計時候

蓋先服此益胃氣升陽湯不止却服後方柴胡調經湯大舉大升之也

升陽宣德侯經歷家人病崩漏醫莫能効切脉之後

且以紙疏其證至四十餘種為制調經升陽除濕湯

療之明日而十減其八前後五六日良愈

調經升陽除濕湯 治女子漏下惡血月事不調或

暴崩不止多下水漿之物皆由飲食不節或勞傷

形體或素有心氣不足因飲酒勞倦致令心火乘

脾其人必怠惰嗜臥四肢不收困倦乏力無氣以

動氣短上氣逆急上衝其脉緩而弦急按之洪大

皆中指下得之脾土受邪也脾主滋榮周身者也  
 心主血血主脉二者受邪病皆在脉脉者血之府  
 也人者脉之神也心不主冷胞絡代之故曰心之  
 脉主屬心系心系者胞絡命門之脉也主月事生  
 孕皆由脾胃虛而心胞乘之故漏下血水不調也  
 况脾胃為陰陽之根蒂當除濕去熱益風氣上伸  
 以勝其濕又云火鬱則發之

柴胡

防風

甘草 炙

藁本

升麻 各壹錢

羌活

蒼朮

黃芪 各壹錢

獨活

當歸

酒浸各伍分

蔓荊子

柒分

右咬咀水五大盞煎至一大盞去滓稍熱服空心  
 服藥畢待少時以早饑壓之可一服而已如灸足  
 太陰脾經中血海穴二七壯或二七壯立已此  
 藥乃從權衡之法用風勝濕為胃氣下降而氣迫  
 於下以救其血之暴崩也若病愈經血惡物已盡  
 主病雖除後必須以黃芪甘草人參當歸之類數  
 服以補之於補氣升陽湯中加和血藥是也若經  
 血氣惡物下之不絕尤宜救其根源治其本經只  
 益脾胃退心火之亢乃治其根蒂也若遇夏月白



帶下脫漏不止宜用此湯一服立止

柴胡調經湯 治經水不止鮮血項筋急腦痛脊骨強痛不思飲食

羌活 獨活 藁本

升麻 各五分 蒼朮 壹錢 柴胡根 柒分

葛根 當歸身 甘草 炙各叁分

紅花 少許

右咬咀作一服水煎去滓稍熟空心服微汗立止  
一婦人經候黑血凝結成塊左廂有血痕水瀉不止  
穀食有時一化有時不化至今歲四月血塊暴下併

水注俱作是前後二陰有形之血脫竭於下既久經  
候尤不調水瀉日見三兩行食罷心煩不快飲食減  
少甚至瘦弱東垣先生曰夫聖人治病必本四時升  
降浮沉之理權變之宜若不本四時以順為逆非其  
治也且治之太法必先歲氣無伐天和無盛盛無虛  
虛遺人天殃無致邪無失正絕人長命故聖人云陽  
盛陰虛下之則愈汗之則死陰盛陽虛汗之則愈下  
之則死太抵聖人立法各自有義且如升陽或發散  
之劑是助春夏之陽氣令其上升乃瀉秋冬收藏殞  
殺寒涼之氣此病是也當用此法治之乃升降浮沉

之至理也夫天地之氣以升降浮沉乃從四時如治  
病逆之則殺入矣故經云順天者昌逆天者亡可不  
畏哉夫人之身亦有天地四時之氣不可止認在外  
人體亦同天地也今經漏不止是前陰之氣血已下  
脫矣水瀉又數年不愈是後陰之氣血又下陷矣後  
陰者主有形之物也前陰者精氣之門戶俱下竭是  
病人周身之氣常行秋冬之令陰主殺此等收藏之  
病是也陽生陰長春夏是也在人身之中令氣升浮  
者穀氣上行是也既病則周身血氣皆不生長穀氣  
又不升其肌肉消少是兩儀之氣俱將絕矣既下元

二陰俱脫血氣消竭假令當日元是熱證今下焦久  
脫已化為寒矣此病久沉久降寒濕太勝當急救之  
瀉寒以熱降濕以燥大升大舉以助長生補養氣血  
不致偏枯聖人立治之法云濕氣大勝以所勝助之  
助甲風木上升是也故經云風勝濕是以所勝平之  
也當調和胃氣次用白朮之類以燥其濕而滋元氣  
如其不正後用風藥以風勝濕此之謂也此藥便是  
大舉大升以助春夏二濕之久陷下之至治也又一  
本云此病次用四物隨濕證加減

大獨聖散

治婦人血崩不止用防風去蘆不以多

少為細末酒煮白麩清調下一錢空心食前日二服更以麩作糊酒投之極驗

治血崩夏枯草為細末每服二錢米飲調下無時服  
千治崩中不止芎藭八兩清酒五升煎至二升半分三服不耐者徐徐進之義云芎不可久服令人暴死

右大舉大升之劑治崩脉沉弦而洪或沉細而數者皆胃氣下陷也或崩而又久瀉者亦胃氣下陷也故舉之升之其病愈也

**養血行氣** 加減四物湯 治室女二七天癸至亦有當時未至而後至者亦有卒然暴下淋瀝不止者

有若崩漏者失血過多變生諸證悉宜服之

川芎

熟地黄

川當歸

白芍藥

香附子

炒去毛

右吹咀每服四錢水一盞半生薑五片煎至七分去滓食前温服如血色鮮而不止者去熟地黄加生地黄煎服

**補中去積** 丁未年冬郭大方來說其妻經水暴崩不止先曾殞身失血自後一次經數日而來今次不止

其人心窄性急多驚以予料之他日必因心氣不足飲食失節得之大方曰容到彼診得掌中寒脉沉細

而緩間而沉數九竅微不利四肢無方上喘氣短促  
口鼻氣皆不調果有心氣不足飲食失節脾胃虛弱  
之證胃脘當心而痛左脇下急縮有積當臍有動氣  
腹中鳴下氣大便難諸虛證極多不能盡錄擬先治  
其本餘證可以皆去與安心定志鎮墜其驚調和脾  
胃大益元氣補其血脈養其心神以大熱之劑去其  
冬寒凝在皮膚內少加生地黄去命門相火不令四  
肢痿弱黃芪當歸人參湯

黃芪 鎮心驚  
人參 表閉汗  
麻黃 各壹錢  
當歸 各壹錢半  
草 各壹錢半

神麴 消食去  
桂枝 必先歲氣無  
陳皮 各五分  
杏仁 如泥  
生地黄 冬月相火之旺  
右為麤末水三太盞先煮麻黃數沸去滓入前藥  
同煎至一太盞於巳午之前食消盡服之其胃脘  
痛乃胃上有客寒與太執藥草豆蔻丸一十五丸  
其痛立止再與肝之積藥除其積之根源而愈  
地黃丸 治足三陰虧損經行數日不止或兼帶下  
無字

熟地黄 自製  
山茱萸肉  
蕪荑仁  
白芍藥 微炒  
代赭石 各壹兩  
乾薑 炮

白殭蠶炒

厚朴薑製各參錢

右為末蜜丸桐子大每服五十九空心温酒下日三服

右虛挾積滯而崩嘗治一老婦人血崩不止流流不絕滿牀皆血起牀不得者三月矣腹滿如孕予作虛挾痰積汚血治之用四物四兩參朮各壹兩甘草半兩以治虛香附三兩半夏壹兩半茯苓陳皮枳實縮砂玄胡各壹兩以破痰積汚血分二十貼每貼煎乾加荷葉側柏葉湯再煎服之服盡良愈今再不發神效

素陰虛陽搏謂之崩

垣凉血地黄湯 治婦人血崩不止腎水陰虛不能鎮守包絡相火故血走而崩也

生地黃 當歸尾各半錢 黃連

黃蘗 知母 藁本

川芎 升麻各貳分 紅花少許

柴胡 防風 川羌活

黃芩 細辛 荆芥穗

蔓荊子 甘草炙各壹分

咬咀作一服水三盞煎至一盞去滓空心稍熱服

血崩

女科

崩漏

足大陰脾之經中血海一穴在膝臑上肉廉白肉際二寸中治女子漏中惡血月事不調逆氣腹脹其脉緩者是也灸三壯足少陰腎之經中陰谷一穴在膝內輔骨後太筋下小筋上按之應手屈膝取之治膝如錐不得屈伸舌縱涎流煩逆溺難少腹急引陰痛股內痛婦人漏下不止腹脹滿不得息小便黃如蠱女子如妊身可灸三壯

**大小薊湯** 治崩漏不止色明如水得溫則煩悶者此陽傷於陰令人下血當補其陰脉數疾小者順大者逆

小薊莖葉研取汁 生地黃研取汁 白木半兩

右三件入水一盞煎減一半去滓溫服

芎藭酒 治崩中晝夜不止醫不能治

芎藭壹兩 生地黄汁壹盞

右用酒五盞煮芎藭一盞去滓下地黄汁再煎二十沸分為三服

治崩中去血不止

大小薊根伍兩 白茅根叁兩

右二味細切用酒五升煮取四升去渣分四服

丹漏下乃熱兼虛四物加黃連

奇効四物湯 治有熱久患血崩

當歸 頭尾俱用

白芍藥

大川芎

熟地黄 焙洗

大艾葉

阿膠 蛤粉炒如珠子

黃芩 去黑者各半兩

右剉碎每服四錢水一盞半生薑五片煎七分空

心温服

有一醫療血崩往改咀藥鋪市藥其方則為鋪索黃芩半兩加入藥內鋪家亦醫者曰此藥何為加黃芩醫曰非汝所知吾與此藥政以黃芩為王夫心主血血得熱則行得寒則止病者一服而愈服即入服至心無恙又見數婦血崩者亦且

此醫以黃連解毒湯加大艾治無不効者又當量其虛實用之

雲金華散 治血室有熱崩下不止服温藥不効者

延胡索

瞿麥穗

當歸

乾薑

牡丹皮 各壹兩

石膏 貳兩

桂心 別研

威靈仙 各半錢

蒲黃 半兩

右為細末每服三錢水一盞半空心温服日二

治崩中下血方

崩中藥多是用止血藥及補血藥

惟此方治陽乘陰所謂天暑地熱經水沸溢者

黃芩 不以多少

右為細末每服一錢霹靂酒調下

下近朝有王御醫直夜有一宮女血如山崩其時

暑月藥笥中只有大順散兩貼以冷水調服旋即

奏効以此知醫者要在權變也

治漏下五色亦治嘔血令人黃瘦虛弱

右用地榆二兩剉碎以醋一升煮十餘沸去滓食前稍熱服一合 本草注云地榆主帶下十二病一曰多赤二曰多白三曰月水不通四曰陰蝕五曰子藏堅六曰子門滲七曰合陰陽患痛八曰小腹寒痛九曰子門閉十曰子宮冷十一曰夢與鬼交十二曰五藏不定一方竹葉水煎服代茶甚解熱

丹經水多去不能任以二補丸加苡根龜板金毛狗

春之補丸者  
春之連葉也

子和孟官人母年五十餘血崩一載僉用澤蘭丸黑神散保安丸白薇散補之不効戴人見之曰天癸已盡本不當下血蓋血得熱而流散非寒也夫女子血崩多因大悲哭悲甚則肺葉布心系為之急血不禁而下崩內經曰陰虛陽搏謂之崩陰脈不足陽脈有餘數則肉崩血乃下流舉世以虛損治之莫有知其非者可服火劑火劑者黃連解毒湯是也次以香附二兩炒白芍藥二兩焙當歸二兩焙三味同為細末水調下又服檳榔丸不旬日而安 西園公治一婦



人年六十一歲血崩不止投黃連解毒湯四貼後服  
涼膈散合四物六貼即愈此婦因悲哀太過則心悶  
急肺布葉舉而上焦不通熱氣在中血走而崩故效

薛一婦人年將七十素有肝脾之證每作則飲食  
不進或胸膈不利或中脘作痛或大便作瀉或小便  
不利余用逍遙散加山梔茯神遠志木香而愈後憂  
女孀居不時吐紫血其病每作先倦怠而後發熱經  
曰積憂傷肺積思傷脾肺布葉舉是令子母俱病不  
能攝血歸經而致前證遂以前藥加炒黑黃連三分  
吳茱萸一分頓愈復因怒吐赤血甚多躁渴垂死此

血脫也法當補氣乃用人參一兩苓朮當歸各三錢

陳皮炮黑乾薑各二錢炙草木香各一錢一劑頓止

一婦人年六十四久鬱怒頭痛寒熱春間乳內時  
痛脹流氣飲之類益甚不時有血如經行又大驚恐  
飲食不進夜寐不寧乳腫及兩脇焮痛如炙午後色  
赤余以為肝脾鬱火血燥先以逍遙散加酒炒黑龍  
膽一錢山梔一錢半一劑腫痛頓退又一劑而全消  
再用歸脾加炒梔貝母諸證悉愈一婦人因怒崩  
血久不已面青黃而或赤此肝木制脾土而血虛也  
用小柴胡合四物以清肝火生肝血又用歸脾補中

二湯以益脾氣生肝血而瘥此證若因肝經有風熱而血不寧者用防風一味為丸以兼證之藥煎送或肝經火動而血不寧者用條芩炒為丸以兼證之藥煎送無有不效一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受剋則內證作若自病見用白朮茯苓柴胡炒桅炒龍膽若內證作用四君子加柴胡芍藥神麩吳茱萸炒過黃連諸證漸愈惟月經不止是血分有熱脾氣尚虛以逍遙散倍用白朮茯苓陳皮又以補中益氣加酒炒芍藥

兼服而調

**溫劑** 丁香膠艾湯 治崩漏不止蓋心氣不足勞

役及飲食不節所得經隔少時其脉兩尺俱弦緊而洪按之無方其證自覺臍下如水求厚衣被以禦其寒白帶白滑之物雖多間下如屋漏水下時有鮮血不多右尺脉時微洪屋漏水多暴下者是急弦脉為寒多而洪脉時見乃熱少合而言之急弦者北方寒水多也洪脉時出者命門包絡之火也黑物多赤物少合成屋漏水之狀也

川芎

丁香 各肆分

熟地黃 以寫大

白芍藥 各叁分  
阿膠 炒陸分  
當歸身 壹錢

生艾葉 壹錢  
為細末作一服水一盞煎至五沸去滓入膠艾再  
上火煎至一大盞空心宿食消盡帶熱服三服效

天治血崩

熟艾 如雞子大  
阿膠 半兩  
乾薑 壹錢

右麤末用水五盞先煎艾葉薑至一盞半入膠消  
温分一服空心服

芩藷湯 一名芩藷  
治帶下漏血不止及風虛冷熱  
勞損衝任月水不調崩中暴下腰重裏急淋瀝不

斷及產後失血過多虛羸腹痛或妊娠胎動不安  
下血連日小便頻數肢體煩倦頭暈目暗不欲飲  
食

芩藷  
黃芪  
芍藥  
乾地黄  
吳茱萸  
甘草 各貳兩  
當歸 各壹兩  
乾薑 各壹兩

右咬咀以水一斗煮取三升分三服若月經後因  
有赤白不止者除地黄茱萸加杜仲人參各二兩  
斷下湯 治衝任氣虛崩中漏下經脉不調每遇月  
候將來臍腹腰脚先痛漸減飲食四肢乏力及帶

下三十六疾悉能療之

人參 去蘆

熟地黄 洗焙

艾葉 醋炒 各壹兩

烏鰂骨 燒灰

當歸 酒洗 各貳兩

川芎 米錢

乾薑 炮半兩

阿膠 蛤粉炒成 珠米錢半

右咬咀每服五錢水一盞半煎至七分去滓食前

溫服

治崩漏方

四物湯 壹兩

人參 貳錢

吳茱萸 壹錢

右剉碎每服半兩薑棗煎服食前五六服寒熱腹痛皆退崩漏未止續服後熟附丸

熟附丸

熟附子

木賊 去節

龍骨 煨

赤石脂 煨各半兩

川芎

當歸 各壹兩

右為細末醋糊為丸如梧子大每服五六十丸食前米飲下 一婦人年五十已上經斷七年忽然經行遂成崩漏發熱腹痛兩月不瘥予診其脉虛細疾數予曰此乃陰虛而致宜服此藥 鹿茸丸 治經候過多其色瘀黑甚者崩下吸吸少氣臍腹冷極則汗出如雨尺脉微小由衝任虛衰為風冷客乘胞中氣不能固可灸關元百壯在臍

下正中三寸

鹿茸

燒去毛  
酥炙

赤石脂

製

禹餘糧

製各  
壹兩

艾葉

一方無

栢葉

附子

炮各半  
兩

熟地黄

當歸

續斷

各貳兩

右為細末酒糊和丸梧子大每服三十九空心温

酒下一方煉蜜丸亦可

赤龍丹 治崩中不止

禹餘糧

烏鰂骨

鹿茸

龍骨

石燕

煨

阿膠

當歸

乾薑

各等分

右為末酒醋糊為丸每服五十九温酒下

紫金散 治月水過多崩漏帶下淋瀝不斷腰腹重

痛一切五色帶疾

禹餘糧

煨赤醋淬七次細研  
水飛泥乾秤參兩

白芍藥

川芎

熟地黄

附子

當歸

乾薑

炮

肉桂

各半兩

赤石脂

龍骨

各煨並壹兩  
別研

右為細末每服二錢入麝香少許米飲空心調下

白芷暖宮丸 暖血海實衝任治子宮虛弱風寒客

滯斷緒不成孕育及數墮胎或帶下赤白漏下五

色虛眩少氣胸腹滿痛心下煩悸自汗下血過多

禹餘糧

製壹兩

乾薑

炮

芍藥

白芷

川椒

製

阿膠

粉炒

艾葉

製

川芎

各柒錢半

右為細末蜜丸梧子大每服四十九丸米飲温酒醋湯任下

和劑震靈丹

治崩中下血不止或脉虛細手足或

冷以芎歸湯加木香煎送下或陳皮香附子煎湯

下三丸或靈砂丹亦可兼治暴驚風九竅出血獨

參湯下

方見雜病泄瀉門

又方治崩中不止丁香二兩為細末用酒三升煮取

一升空心頓服必効方用丁香百顆酒煎服

又方益智炒為細末鹽米飲調下

和劑暖宮丸

內補當歸丸

熟乾地黄丸

濟陰丹

禹餘糧丸

內灸散

皺血丸

紫石英丸

右諸方並治崩中帶漏並見前通治門及調經門

薛表弟方健甫內五十歲辛丑患血崩諸藥罔効壬

寅八月身熱體痛頭暈涕出吐痰少食衆作火治展

轉發熱絕粒數日余診之曰脾胃久虛過服寒藥中

病未已寒病復起遂用八味丸料一服翌早遂索粥  
數匙再服食倍熱減痛止乃服八味丸而愈癸卯秋  
因勞役憂怒甲辰夏病復作胸飽發熱脊痛腰疼神  
氣怫鬱或作內傷或作中暑崩血便血煩渴引飲粒  
米不進昏憤時作脈洪大按之微弱此無根之火內  
虛寒而外假熱也以十全大補加附子一劑遂食粥  
三四匙崩血漸減日服八味丸始得全愈大尹王  
天成之內久患崩自服四物涼血之劑或作或輟因  
怒發熱其血不止服前藥不應乃主降火更加腹脇  
大痛手足俱冷余曰此脾胃虛寒所致先用附子理

中湯體熱痛止又用濟生歸脾補中益氣二湯崩血  
頓愈若泥痛無補法則誤矣 錦表楊永興之內患  
前證過服寒涼之劑其證益甚更加肚腹痞悶飲食  
不入發熱煩躁脈洪大而虛余曰此脾經氣血虛而  
發躁也當急用八珍湯加炮薑以溫補之緩則不救  
不信乃服止血降火之劑虛證蜂起始信余言緩不  
及治矣

虛脫者之

天治崩中下血不止小腹痛

芍藥 壹兩 炒黃

栢葉 陸兩 微炒 丹溪云栢葉性多燥

右用水一升煎取六合入酒五合煎取七合空心

分爲二服一方爲細末酒調一錢一方有鹿角膠  
等分酒調治白帶臍腹痛

**世** 牡蠣散 治月水不止衆藥不愈者牡蠣火煨研

細用醋調成丸再煨過通紅候冷研細出火毒却

用醋調艾末熬成膏和丸如桐子大每服五十九

醋艾湯下

**燥** 雲栢黃散 療經血不止

黃芩 壹兩貳錢半

伏龍肝 貳兩

側栢葉

蒲黃 各壹兩

右咬咀水二升煎取八合分爲二服

之者煨

又方 治患崩中不止結作血片如雞肝色碎爛

芎藭 拾貳分

阿膠

青竹茹 各捌分

續斷

地榆

小薊根 各叁分

當歸 陸分

生地黃

伏龍肝 各拾壹分

右用水九盞煮取三盞去滓分三服

**衍** 治婦人血露蠶砂壹兩炒伏龍肝半兩阿膠壹兩

同爲末温酒調空心二三錢以知爲度太全名無比散無阿膠

**羅** 伏龍肝散 治氣血勞傷衝任脉虛經云非時忽

然崩下或如豆汁或成血片或五色相雜或赤白



相兼臍腹冷痛經久未止令人黃瘦口乾飲食減少四肢無力虛煩驚悸

伏龍肝 壹兩

甘草 半兩

赤石脂 壹兩

芎藭 叁兩

肉桂 半兩

熟地黄

艾葉 微炒 各貳兩

當歸

乾薑 各未錢半

麥門冬 去心 壹兩半

右為麤末每服四錢棗一入水同煎

地榆散 治婦人崩中漏下不止

地榆 剉

蒲黃

白芍藥

白茯苓

栢葉 微炒

蟹爪 微炒

熟地黄

鹿角膠 搗碎炒 各壹兩

漏蘆 各壹兩

芎藭

當歸 剉炒各 柒錢半

伏龍肝 壹兩

乾薑 炮

桂心

甘艸 剉炙赤 各半兩

右剉碎每服三錢水一中盞入竹茹一分煎至七分去滓食前溫服

右五方伏龍肝例蓋燥可去濕也前一土方去濕熱

後一土方去寒濕按伏龍肝為止血之聖藥先賢治崩用旋覆花半夏治膈間濕痰而崩止者亦此意

補經 鹿茸散 治崩中漏下不止虛損羸瘦

補經

鹿茸散

治崩中漏下不止虛損羸瘦

鹿茸

貳兩去毛塗酥炙微黃

白龍骨

龜甲

塗酥炙冷黃去裏

熟地黄

白芍藥

白石脂

烏鰽魚骨

炙黃

續斷 各壹兩

肉苳蓉

壹兩半酒浸一宿刮去皴皮炙乾

右為細末每服二錢食前粥飲調下

栢葉散 治婦人崩中漏下不問年月遠近漸至黃瘦四肢無力腹內疼痛不思飲食

栢葉

續斷

川芎

生地黄

當歸

龜甲

鼈甲

各壹兩半

禹餘糧 貳兩半

阿膠

牡蠣

地榆

赤石脂

艾葉

鹿茸

各壹兩

右為細末每服二錢食前粥飲調下一方有丹參加鹿茸煉蜜和丸如梧子大每服三四十九空心用溫酒送下或醋湯亦可

補宮丸 治婦人諸虛不足久不妊娠骨熱形羸崩

中帶下

白薇

牡蠣

白芍藥

鹿角霜

山藥

白朮

白茯苓

烏賊魚骨

白芷 各等分

右為細末麵糊和丸如梧子大每服五十九空心

用米飲送下

鎮宮丸 治婦人崩漏不止或下五色或赤白不定  
或如豆汁或狀如豚肝或下瘀血臍腹脹痛頭暈  
眼花久而不止令人黃瘦口乾胸煩不食

代赭石

火煨 醋淬

紫石英

火煨 細研

禹餘糧

制並 同上

香附子

醋煮 各貳兩

陽起石

火煨 細研

鹿茸

燎去毛 醋蒸焙

茯神

去皮木

阿膠

剉碎 蛤粉 炒成珠

當歸

去蘆 酒浸

蒲黃

炒

芎藭

各壹兩

血竭

半兩 別研

右為細末用艾煎醋汁煮糯米粉糊丸如梧子大  
每服七十九空心米飲下

**血見黑則止**

治暴崩下血京墨為末一錢匕同燒

蜂房為末三指撮酒調服

又方百草霜貳錢狗膽

汁拌定分作二服當歸酒調下

世治血崩用葫蘆去子穰實荆芥穗燒存性飲湯調服

治室女血崩不以冷熱皆可服

荆芥

蓮房殼

各等分 燒灰存性

右為細末每服貳錢空心米飲調下

十灰丸 治崩中下血不止

錦灰

黃絹灰

馬尾灰

血崩

女科一

艾葉灰 藕節灰 蓮房灰  
 油髮灰 赤松皮灰 椶櫚灰  
 蒲黃灰 各等分

右研勻用醋煮糯米糊和丸如梧子大每服七十丸加至一百丸空心米飲送下  
 十灰散 治下血不止

錦片 木賊 椶櫚  
 栢葉 艾葉 乾漆  
 鯽魚鱗 鯉魚鱗 血餘  
 當歸已上逐味火化存性各等分研末 麝香少許研

右研勻每服二錢空心溫酒調服

一笑散 治婦人血崩

右用新綿一口燒灰研末空心酒調下立止  
 治婦人經年血崩

香附子貳兩炒赤 蓮殼伍枚燒存性

右為細末每服二錢空心陳米飲調下

世香礬散 治血崩香附子不以多少極酸醋浸一

宿炒焦為灰存性每一兩入白礬末二錢米飲調服空心神效一法用荷葉湯尤妙

大用香附子去毛炒焦黑存性為細末用極熱酒調

氣喘者行氣灰

血崩

女科一

百五

止

下二錢於温服不過兩服立愈昏迷甚者三錢匕如血山崩不止者亦能解之米飲調亦可許學士云治下血不止或成五色崩漏香附子是婦人仙藥也砂仁不以多少新瓦上炒黑為末米飲調一方益智仁炒黑為末鹽米飲調下世婦人血崩不止用檳榔燒灰存性碾末以温酒調下甚妙

血汚者行無礙止之

大五靈脂散治婦人血崩諸藥不止者五靈脂炒令煙盡為末每服壹錢温酒調下一法每服壹錢水酒童便各半盞煎服名抽力散

琥珀散 治崩暴不止

赤芍藥

香附子

枯荷葉

男子髮

皂莢水洗

當歸

椶櫚

炒焦存性

烏紗帽

是漆紗頭巾取陽氣上衝故也

右等分除椶櫚外其餘並用瓮片新瓦上煨成黑灰存性三分為細末每服五錢空心童便調下如人行十里再服七八服即止若產後血去多加米醋京墨麝香少許一法先以五積散加醋煎投一二服次服五靈脂散

衍黃牛角腮用尖燒為黑灰微存性治婦人血崩太

血崩

女科一

百子

便血及冷痢白痢

大治漏下不止者鹿角燒灰細研食前温酒調下二錢

錢又方桃仁燒灰研細食前温酒調下二錢又

方亂髮皂角水洗淨燒為細末空心温酒調二錢

世治血久崩夏枯草燒存性為末空心米飲調下此

用灰與前用草不同

氣喘者  
桂灰  
止之

大荆芥散治婦人崩中不止用好麻油點燈多着燈  
心就上燒荆芥焦色為細末每服三錢童便調下  
隨治婦人漏下血不絕槐花鵝不以為多少燒作灰細  
研食前温酒調二錢也

血熱者  
涼血灰  
止之

產寶治崩中不止不問年月遠近用槐耳燒作灰為  
末以酒服方寸匕

寒者熱  
灰止之

大神應散治血崩不止桂心不以多少炒極焦存性  
為末每服一二錢米飲調下

楊氏家藏黑金散 治婦人血氣虛損經候不調崩  
中漏下

鯉魚皮 黃牛角鯁 椶櫚皮

破故紙 亂髮各壹兩 烏鰾魚骨

熟地黃 乾薑炮 當歸洗焙

木賊各半兩

血崩 女科 五

右剉拌入磁瓶內鹽泥固濟候乾炭火五斤煨通赤煙盡埋土內令冷取研細每三錢入麝少許米飲空心調下

如聖散 治血山崩

椶櫚

烏梅肉各壹兩

乾薑壹兩伍錢並燒存性

右為細末每服二錢烏梅酒調下空心食前服久患不過三服愈

治血崩屢效方

當歸

白芍藥

乾薑

椶櫚各等分

右各煨存性研為細末醋調以有節朱筋左攪四

血有澀  
火止之

十九轉食前服

又方用棕櫚白礬煨為末酒調一錢服

烏金散 治血崩不止

棕櫚毛

燒存性壹兩 龍骨煨過貳錢

右為細末研勻每三錢空心好酒調服一服立止

梅飲子 治婦人血崩

右以鹽白梅燒灰存性為末空心米飲調下

治婦人血崩方

右用烏梅燒灰研末以烏梅湯調下酒調亦可

又方

血崩

女科一

直注

雜方

烏梅 肥大者半斤以酸醋浸經一宿取出核研為膏 百草霜 研細

右搗和丸如梧桐子大每服三四十九丸空心以淡醋湯送下日進一服

右三十一方皆燒灰黑藥經云北方黑色入通於腎皆通腎經之藥也夫血者心之色也血見黑即止者由腎水能制心火故也

海治崩不定或淋淫經年者

白礬 溶開成汁壹兩

沒藥 壹錢

硃砂

黃丹 各伍分

右件將白礬溶開成汁下餘藥細末一處攪勻

成丸子如彈子大每用一丸新綿裹內陰中立效

運氣運氣血崩皆屬風火經云少陽司天之政初之

氣風勝乃搖候乃大溫其病血崩是也

針灸 經血過多不止并崩中 心術 三陰交 行

間 各針訖 通理 足小指上一寸刺

桑漏下不止 心術 三陰交 太衝

東胞門不閉漏下惡血不禁 氣門 在關元傍三寸

集血崩并漏下 中極 補 子宮 二寸 敗血不止

三陰交 百勞 風門 中極 腎俞 膏肓

曲池 絕骨



甲婦人不字陰暴出經水漏然谷主之 婦人漏血

腹脹滿不得息小便黃陰谷主之 千金云漏血少腹

腫偏 女子血不通會陰主之 女子漏血太衝主之

脈問曰五崩何等類師曰白崩者形如涕赤崩者形

如絳黃崩者形如爛瓜青崩者形如藍色黑崩者形

如衄血也寸口脈弦而大弦則為減大則為乳減則

為寒乳則為虛寒虛相搏此名曰革婦人則半產漏

下又見諸

仲寸口脈微而緩微者衛氣踈踈則其膚空緩者胃

弱不實則穀消而水化也穀入於胃脈道乃行水入

於經其血乃成榮盛則其膚必踈三焦絕經名曰血崩

脈診婦人漏下赤白日下血數升脈急疾者死遲者

生 診婦人漏下赤白不止脈小虛滑者生大緊實

數者死

尺寸脈虛者漏血脈浮者俱不治 峻實其下亦有得全者

良婦人衝任二脈為經脈之海外循經絡內榮臟腑

若陰陽和平經下依時若勞傷不能約制則忽然暴

下甚則昏悶若寸脈微遲為寒在上焦則吐血衄血

尺脈微遲為寒在下焦則崩血便血大抵數小為順

血崩  
洪大為逆大法當調補脾胃為主

**殺血心痛**良婦人血崩而心痛甚名曰殺血心痛由  
心脾血虛也若小產去血過多而心痛甚者亦然用  
烏鱧魚骨炒為末醋湯調下失笑散亦效薛前證  
若陰血耗散用烏賊丸收斂之若瘀血不散用失笑  
散行散之若心血虛弱用芎歸湯補養之若鬱結傷  
血用歸脾湯調補之婦人血崩兼心痛三年矣  
諸藥不應每痛甚虛證悉具面色痿黃余曰心主血  
蓋由去血過多心無所養以致作痛宜用十全大補  
湯參朮倍之三十餘劑稍愈百餘劑全愈

赤白帶下

嚴巢氏病源論婦人有三十六疾者七癥八瘕九痛  
十二帶下也而帶下不顯其證今人唯知赤白二帶  
耳此由勞傷衝任風冷據於胞絡婦人平居血欲常  
多氣欲常少百疾不生或氣倍於血氣倍生寒血不  
化赤遂成白帶若氣平血少血少生熱血不化紅遂  
成赤帶寒熱交并則赤白俱下其脉右手尺浮浮為  
陽陽絕者無子苦足冷帶下輕則漏下甚則崩中皆  
心不榮血肝不藏血所致其脉寸口弦而大弦則為  
減大則為乳減為寒乳為虛寒虛相搏其脉為革主

半產漏下，又尺寸脈虛者，漏血漏脈，浮者不可治。  
產實帶下三十六疾者，是十二癥九痛七害五傷。  
三固謂之三十六疾也。十二癥者，是所下之物一者  
如膏，二者如青血，三如紫汁，四如赤皮，五如膿痂，六  
如豆汁，七如葵羹，八如凝血，九如清血，似水，十如米  
泔，十一如月浣，十二如經度不應期也。九痛者，一陰  
中痛，二陰中淋痛，三小便痛，四寒冷痛，五月來時腹  
痛，六氣滿來時足痛，七汗出陰中如蟲齧痛，八脇下  
皮痛，九腰痛，七害者，一害食，二害氣，三害冷，四害勞，  
五害房，六害妊，七害睡，五傷者，一竅孔痛，二寒冷痛。

三小腹痛，四臟不仁，五子門不正，引背痛，三固者，月  
水閉塞不通，其餘二者，文缺不載，而仲景所說三十  
六種疾，皆由子臟冷熱勞損而夾下起於陰內也。  
丹赤白帶，羅先生法，或十棗湯。方見傷寒，或神佑丸  
方見雜病，或玉燭散。即四物加皆可用之。虛者不可峻  
攻實者可行。血虛加減四物湯。氣虛以木參陳  
皮間與之。赤屬血，白屬氣，主治燥濕為先。濕甚  
者，固腸丸。方見後。相火動者，諸藥中加炒礞。滑者  
加龍骨赤石脂。滯者加葵花。白者治赤帶，赤者治白帶。性躁  
者加黃連。寒月少加薑附。臨機應變，先須斷厚味。

赤白帶下

女科一

百五十六

帶下  
多帶  
濕痰

帶下與夢遺同法治之。肥人有帶多是濕痰用海石半夏南星炒礞青黛蒼朮川芎。瘦人帶病少如有多是熱用炒礞蛤粉滑石川芎青黛樗皮。帶漏俱是胃中痰積流下滲膀胱出於太腸小腸宜升提甚者上必用吐以提其氣下用二陳湯加白朮蒼朮仍用九子。

戴赤白帶下皆因七情內傷或下元虛冷感非一端大率下白帶多間有下赤者並宜順氣散吞震靈丹仍佐艾附丸或米飲調沙參末帶下不止成疰羸者四物湯加煨牡蠣粉半錢吞固陽丸多服取效。固陽丸方

見雜病  
遺精門

有帶疾愈後一二月或再發半年一發先

血而後下帶來不可遏停蓄未幾又復傾瀉此名漏帶最為難治。下截之血小腹主之有因血虛而虛熱陷入小腸致小便澀痛色白如油或成沙粒皆不可作淋治用冷劑宜以四物湯五苓飲各半貼和煎

良婦人帶下其名有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血人有帶脉橫於腰間如束帶之狀病生於此故名為帶

赤白帶下

女科一

卷之三

薛徐用誠先生云前證白屬氣而赤屬血東垣先生云血崩又則亡陽故白滑之物下流未必全拘於帶脉亦有濕痰流注下焦或腎肝陰淫之濕勝或因驚恐而木乘土位濁液下流或思慕為筋痿戴人以六脉滑大有力用宣導之法此瀉其實也東垣以脉微細沉緊或洪大而虛用補陽調經乃兼責其虛也丹溪用海石南星椿根皮之類乃治其濕痰也竊謂前證皆當壯脾胃升陽氣為主佐以各經見證之藥色青者屬肝用小柴胡加山梔防風濕熱壅滯小便赤澀用龍膽瀉肝湯肝血不足或燥熱風熱用六味丸

色赤者屬心用小柴胡加黃連山梔當歸思慮過傷用妙香散等藥色白者屬肺用補中益氣加山梔色黃者屬脾用六君子加山梔柴胡不應用歸脾湯色黑者屬腎用六味丸氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃蘗氣虛痰飲下注四七湯送六味丸不可拘肥人多痰瘦人多火而以燥濕瀉火之藥輕治之也

虛而  
有積  
攻後  
補

潔治帶下少腹寬結而痛者先以十棗湯下之次服苦棟丸太玄胡散調之是先攻後補之法也治結痰白帶以小胃丹半饑半飽津液下數丸候鬱

赤白帶下

積行卻服補藥

白朮 壹兩

蒼朮 半兩

紅白葵花 貳錢

白芍藥 柒錢半

右蒸餅為丸空心煎四物湯下廿九

陶遵道外姑年七十形瘦善啖白帶食前薑湯吞太  
補丸五十九一二次午膳後及臨卧時各與小胃丹  
十五丸愈

子和頃頓丘一婦人病帶下連縣不絕白物或來已  
三載矣命予脈之診其兩手脈俱滑大而有方得六  
七至常上熱口乾眩暈時嘔酢水余知其實有寒痰

脈滑大有攻實宜

在胸中以瓜蒂散吐出冷痰二三升皆酢水也問如  
黃涎狀如爛膠次以漿粥養其胃氣又次用導水禹  
攻以瀉其下然後以淡劑滲泄之藥利其水道不數  
日而愈 息城李左衙之妻病白帶如水竅漏中綿  
綿不絕鼻穢之氣不可近面黃食減已三年矣諸醫  
皆云積冷陽起右疏黃薑附之藥重重燥補汚水轉  
多戴人斷之曰此帶濁水本熱乘太陽經其寒水不  
禁固故如此也夫水自高而趨下宜先絕其上源乃  
涌痰二三升次日下沃水斗餘行三遍汗出周身至  
明且病人云汚已不下矣次用寒涼之劑服及半載

赤白帶下

女斗一

百五

產一男

燥烈有濕痰而弱不禁攻者燥之熱濕宜涼燥寒濕宜溫燥

原藥

樗皮丸

治赤白帶有濕熱者

芍藥

伍錢

良薑

參錢燒灰

黃蘗

參錢各

炒成灰

椿根皮

壹兩半

右為末粥丸每服三五十九空心米飲吞下

赤白帶因濕熱勝而下者

蒼朮

鹽炒

白芍藥

各壹兩

枳殼

參錢

椿根皮

炒貳兩

乾薑

煨貳兩

地榆

半兩

甘草

參錢

滑石

壹兩炒

為末粥丸米飲下

治帶下

椿根皮

貳兩

神麩

炒

麥皮麩

炒

黃蘗

炒各壹兩

芍藥

壹兩半

滑石

枳殼

各半兩

蒼朮

壹兩

右為末糊丸桐子大每服五十九空心下

固腸丸

治濕氣下利大便血白帶去脾胃陳積之後用此以燥下濕亦不曾單用看病作湯使椿根皮為末粥糊為丸此藥性涼而燥須炒用一方加滑石一半

滑石一半

赤白帶下

不斗一

百

治白帶因七情所傷脉數者

黃連炒

側柏葉酒蒸

黃蘗炒各半兩

香附子醋炒

白朮炒各壹兩

白芷燒存性

木香各叁錢

椿根皮炒貳兩

白芍藥壹兩

右為末飯粥為丸米飲湯送下

右五方治帶椿皮例涼燥之劑濕熱盛者宜之後

一方有黃連香附木香故可治七情所傷

燥

大乳香散 治赤白帶下

草菓壹枚去皮入麝香一小塊用麵餅裹火炮焦黃留性取出和麵用之

右為細末每服貳錢陳皮飲調下重者三錢

丹帶下不止用椒目白芷 治白帶用椒目為末米

飲調服

治帶下方

右用雲母粉溫水調下三錢立見神效

伏龍肝散

治赤白帶下久患不瘥疔悴乏方六脉

微濡

櫻櫚不拘多少燒赤急以盆蓋蓋冷在性伏龍肝於竈直下去取赤土炒令烟盡

屋梁上懸塵炒令烟盡出火毒

右等分研勻入腦麝各少許每服叁錢溫酒或淡

醋湯下患十年者半月可安

馬蹄丸 治白漏不絕

赤白帶下

女科



白馬蹄

禹餘糧各肆兩

龍骨參兩

烏鰾魚骨

白僵蠶

赤石脂各貳兩

右為細末煉蜜和丸如梧桐子大每服十丸空心酒送下不止加三十丸

又方治白帶

用白芷以石灰炒去皮茜草少許粥糊丸服

大白芷散 治赤白帶下

白芷貳兩

海螵蛸貳箇

胎髮壹團

右為細末空心温酒調下一錢

丹赤白帶用生狗頭骨燒灰存性酒調服或入藥服

閏帶下久而枯涸者濡之凡大補氣血皆所以濡之如以四物湯為末煉蜜丸梧子大空心米飲下三四十丸以療年高婦人白帶良驗皆潤劑也以另有補劑故止著葵花郁李仁之例於此條耳

補經固真湯 白文舉正室白帶常漏久矣服諸藥不効診得心胞尺脉極微其白帶流而不止叔和脉經云崩中日久為白帶漏下多時骨水枯言崩中者始病血崩不已久下則血少復亡其陽故白滑之物下流不止是本經血海將枯津液復亡枯乾不能滋養筋骨以本經行經藥為引用為使以

以大辛甘油膩之藥潤其枯燥而滋溢津液以大辛熱之氣味補其陽道生其血脉以苦寒之藥泄其肺而救其上熱傷氣以人參補之以微苦溫之藥佐而益元氣名曰補經固真湯

人參 貳錢

橘皮 不去白 半錢

乾薑 末貳錢

白葵花

拾陸朶 去萼碎

柴胡

甘艸炙

郁李仁

去皮尖 研

生黃芩

各壹錢 另剉

右除黃芩外以水三大盞煎至一盞七分再入黃芩同煎至一盞去滓空心帶熱服候少時以早膳壓之

補真潤腸湯

治白帶下陰戶中痛控心而急痛身

黃皮緩身重如山陰中如冰各助

柴胡 壹錢 貳分

良薑 貳錢

白葵花 朶朶

防風

郁李仁

乾薑

甘草 各壹錢

陳皮

生黃芩 各伍分

右為細末剉散只作一服水二盞煎至一盞去滓食前熱服

右葵花郁李仁之滑以潤燥蓋枯涸滯着者宜之

補劑 脉微食少及久病曾經攻下者俱作虛治有熱

用涼補無熱用溫補

丹治白帶

龜板炙

白芍藥半錢

山茱萸

貝母各半兩

枳子各貳兩

乾薑炒貳錢半

苦參

黃檗炒壹兩

香附子

樗皮

右為末以酒糊為丸空心米飲下

治赤白帶

龜板酒炙兩塗

枳子貳錢半

黃檗炒壹兩

乾薑炒壹錢

右為末酒糊為丸日二十服每服七十丸

又方治帶下脉數者

枸杞根壹斤

生地黃伍兩

右二味以水一斗煮取五升分三服

右三方治帶龜板黃檗地黃例腎水真陰虛者宜

丹胡安人白帶下月經甚多食少倦怠面黃經中有如血塊者有如筋膜者與參朮等補血氣調脾胃後諸證皆退惟帶未止以樗皮丸主之方見前

右法治帶下虛而有熱者若虛而有寒脉微面白不澤無力以言者東垣補經回真湯丁香膠艾湯香桂六合湯是也

溫補

白斂丸生濟

治室女衝任虛寒帶下純白

鹿茸

酒蒸焙 貳兩

白斂

狗脊

燎毛製 各壹兩

右為細末艾煎醋汁打糯米糊丸如梧子大每服五十丸空心溫酒送下

當歸煎 治赤白帶下腹內疼痛不欲飲食日漸羸瘦

瘦

當歸 酒浸

赤芍藥

牡蠣

火煨 取粉

熟地黄 酒蒸 焙

阿膠

白芍藥

續斷 酒浸各 壹兩

地榆 半兩

右為末醋糊丸如梧子大每五十丸空心米飲下

韓山妻年二十餘十八胎九殯八夫會先君松潘難作賤兄弟皆西奔妻驚憂過甚遂昏昏不省人事口唇舌皆瘡或至封喉下部虛脫白帶如注如此四十餘日或時少醒至欲自縊自悲不能堪醫或投涼劑解其上則下部疾愈甚或投熱劑及以湯藥薰蒸其下則熱暈欲絕四弟還脉之始知為亡陽證也大哭曰宗嗣未立幾誤殺吾嫂急以鹽煮大附子九錢為君制以薄荷防風佐以薑桂芍歸之屬水煎入井米冷與之未盡劑鼻孰睡通宵覺即能識入時止一嗣子二女相抱痛哭踈戚皆悲執友趙憲長驚曰君

何術也弟曰方書有之假對假真對真爾上乃假熱故以假冷之藥從之下乃真冷故以真熱之藥反之斯上下和而病解矣繼後主以女金丹錯綜以二三方不但去其疾且調治元氣庚午生一子今應襲也壬申生一子去年又患瘧疾十三月亦主以養元氣調生氣待飲食大進然後劫以毒藥吐下塊物甚多投以附子湯三錢而愈不責效早暮間其用女金丹卽勝金丸也得之異人倍加香附而視氣血之偏者又加薑黃條芩倍川芎之屬取效甚多予念無子者往往有之翻思予得子之難其苦何如乃次第錄其

方併女金丹以濟人云雪翁識

女金丹方見求子門

薛一孀婦腹脹脇痛內熱晡熱月經不調肢體痠麻不時吐痰或用清氣化痰喉間不利帶下青黃腹脇膨脹又用行氣之劑胸膈不利肢體如麻此乃鬱怒傷損肝脾朝用歸脾湯以解脾鬱生脾氣夕用加味逍遙散以生肝血清肝火百餘劑而愈一婦人久瘡兼帶發熱口乾體倦用七味白朮散加麥門五味大劑煎與恣飲再發稍可乃用補中益氣加茯苓半夏十餘劑而愈一婦人頭暈吐痰胸滿氣喘得食稍緩苦於白帶二十餘年矣諸藥不應此氣虛而痰

赤白帶下

女科

百病

飲也痰飲愈而帶自愈遂朝用六君子湯夕用六味  
地黄丸不月而驗 一婦人耳鳴胸痞內熱口乾喉  
中若有一核吞吐不利月經不調兼之帶下余以為  
肝脾鬱結用歸脾湯加半夏山梔升麻柴胡間以四  
七湯下白丸子而愈 一婦人吞酸飽滿食少便泄  
月經不調服清氣化痰丸兩膝漸腫寒熱往來帶下  
黃白面痿體倦此脾胃俱虛濕痰下注用補中益氣  
倍用參朮加茯苓半夏炮薑而愈 一婦人帶下四  
肢無力余曰四肢者土也此脾胃虛弱濕痰下注以  
補中益氣濟生歸脾三藥治之而愈 一婦人帶下

黃白怒則胸膈不利飲食少思或用消導利氣之藥  
痰喘胸滿大便下血余曰此因脾氣虧損不能攝血  
歸源用補中益氣加茯苓半夏炮薑四劑頓減又用  
八珍加柴胡山梔而痊

**補瀝濕牡蠣散** 治帶下兼經水過多或暴下片血

不限年月遠近

牡蠣

龍骨

赤石脂

肉苁蓉

酒浸切焙

石斛

去根

烏鰂骨

去甲

黃芪

剉各壹兩半

牛角鯁灰

阿膠

炒燥

熟地黄

焙

芍藥

炒各貳兩

乾薑

炮

當歸 切焙

人參

白朮

桑耳 各壹兩 貳錢半

桂 去粗皮

芩藟

附子 炮去皮臍

艾葉 炒各壹兩

右為細末每服三錢平旦米飲調服日再

茯苓散 治婦人血傷蕪帶下積久不止面黃體瘦

漸成虛勞腰脚沉重胎氣多損

白茯苓 去黑皮 木香

熟地黄 焙

訶黎勒皮

栝子仁 研

杜仲 去粗皮

青橘皮 去白

烏鰾魚骨 去甲

五加皮 剉

艾葉 燒灰

菖蒲

牛角鰓灰

秦艽 去苗土

赤石脂

鬼絲子 酒浸另搗

當歸 切焙各壹兩

右為細末每服二錢温酒調下糯米飲亦得或有

胎息用鯉魚糯米粥下藥

卷栢丸 治婦人室女腹臍冷熱相攻心腹絞痛腰

腿疼赤白帶下面色痿黃四肢羸乏

卷栢 醋炙

鹿茸 醋炙

白石脂

赤石脂 各火煨醋淬七次

芩藟

艾葉 醋炒

桑寄生

代赭石 火煨醋淬七次

鼈甲 醋炙

當歸 去蘆酒浸炒

地榆 各壹兩

木香 不見火

赤白帶下

女科一

婦科

龍骨 各半

熟地黃 洗各壹

乾薑 炮米

黃芪 去蘆

右為細末醋煮糯米糊和丸如梧桐子大每服七十九空心米飲送下

艾煎丸 百治婦人一切虛寒胎前產後赤白帶下或

成血痕久服此藥自然融化

伏道艾

採去塵土擇淨枝梗取葉秤伍兩先用大肥淮棗壹拾貳兩砂瓶內者爛去核

餅子

艾葉一處槌爛如泥捻作薄餅子猛火焙乾乘熱急碾為末

大漢椒

去目枝梗及合口者淨秤伍兩以阿膠取出焙乾燥

當歸

去蘆酒浸

白芍藥

川芎

白薇

附子

卷栢 取青葉

去枝梗取葉已

熟地黃 如鋪上買者須淨洗漉去浮者晒乾酒

美方可用亦焙

乾秤各一兩

右同為細末與前艾末椒末拌勻米醋煮糊和丸

如梧桐子大每服五七十九至百九二百九空心

艾醋湯送下一婦人因產後虛寒嘔惡不食腹痛

如割時作寒熱復出盜汗瘦悴骨立臍腹之左結

成硬塊其大如掌冰冷雖盛暑此處獨無汗每塊

微動則痛不可忍百藥治不效夢中忽有人授以



此方因服之惡心寒熱盜汗輒止盡一料遂平復  
獨血塊如故服至五六料其塊自融化而出如魚  
凍

沉香牡丹丸 治婦人血海久虛經候不利赤白帶

下血氣衝心多發刺痛四肢煩困

沉香 米錢半 牡丹皮 去心 赤芍藥

吳茱萸 湯泡去苦炒 當歸 桂心

川芎 黃芪 去蘆蜜炙 人參

茯苓 山藥 川巴戟 去心

白朮 橘紅 木香

乾生薑 白龍骨 牛膝 去苗酒洗  
枳殼 去穰炒 肉苳蔻 厚朴 製各半兩  
右為細末煉蜜和丸如梧桐子大每服二十九空  
心溫酒下若心腹痛白芷煎酒下

紫桂丸 補益血海治衝任氣虛經脈不調腰痛腹

痛冷滯崩漏 禹餘糧 火煨醋淬 龍骨 艾葉 醋炒

赤石脂 牡蠣 煨 地榆 各貳兩

牡丹皮 厚朴 當歸

阿膠 蛤粉炒成珠子 吳茱萸 湯洗 香白芷

赤白帶下

女科一

百五

肉桂

去粗皮 壹兩

附子

炮半兩

右為末，麵糊為丸，梧桐子大，每服三十丸，濃煎醋湯下。

**澀劑** 固真丸

治白帶人下，不止臍腹冷痛，其寒捫之如冰，陰中亦然，目中溜火上壅，視物眈眈，無所見，齒皆惡熱，飲痛須得黃連末擦之，其痛乃止。惟喜乾食，大惡湯飲，此病皆寒濕乘其胞內，故喜乾而惡濕。肝經陰火上溢，走於標，故上壅而目中溜火，腎水侵肝而上溢，故目中眈眈，無所見，齒惡熱飲者，是少陽陽明經中伏火也。當大瀉寒濕，以丸

藥治之，故曰寒在下焦，治主宜緩，大忌湯散。以酒制白石脂、白龍骨，以枯其濕，以炮乾薑、太辛熱瀉寒水，以黃檗之太寒為因用，又為導治法。云古者雖有重罪，不絕入之後，又為之，伏其所主，先其所因之意，又瀉齒中惡熱，飲也。以柴胡為本經之使，以芍藥半錢以導之，又恐辛熱之藥太甚，損其肝經，故微瀉之，以當歸身之辛溫大和其血脈，此用藥之法備矣。

白石脂

燒赤水飛 研細晒乾

柴胡

各壹錢

當歸

酒洗 叁錢

乾薑

肆錢

白龍骨

貳錢酒 煮水飛

黃檗

酒洗

赤白帶下

女科一

百五

白芍 各伍分

右為細末水煮稀糊為丸如雞頭大每服三十九空心宿食消盡煎白沸湯放溫送下無令胃中停住待少時以早饑壓之是不令熱藥犯胃忌生冷硬物與酒濕麵

右石脂龍骨之澁以去脫蓋濕多滑脫者宜之

治婦人赤白帶下不問遠年近日並皆治之

龍骨 半兩

船上硫黃 叁錢

右為細末每服半錢空心無灰酒下

茅花散 治婦人血崩不止赤白帶下

茅花 壹握

棕樹皮 叁寸

嫩荷葉 叁張

甘草節 貳寸

右為細末空心酒調半匙服

山治赤白帶下舊蓮房為末入麝香空心米飲下

京劑少腹熱痛為熱瘕以劉河間法治之

保赤者熱入小腸白者熱入大腸原其本皆濕熱結于脈故津液涌溢是為赤白帶下本不病結緣五經脈虛結熱屈滯于帶故女子臍下痛陰中綿綿而下也經曰任脈為病男子內結七疝女子帶下痕聚王註云任脈自胞上過帶脈貫于臍上故男子內結七

赤白帶下

女科

百病

疝女子帶下帶脉起于季脇章門似束帶狀今濕熱  
寬結不散故為病也經曰脾傳之腎名曰疝瘕小腸  
寬結而痛出白一名曰蠱所以為帶下寬結也寬屈  
也屈滯而病熱不散先以干棗湯下之後服苦棟丸  
大延胡散調下之熱去濕除病自愈矣十棗湯見前方見

苦棟丸 治婦人赤白帶

苦棟

碎酒浸

藁香炒

當歸

各等分

右為末酒糊丸每服三五十九空心溫酒下如腰  
腿疼四物湯肆兩加羌活防風各壹兩煎湯送下

大地榆膏

治赤白帶下骨立者地榆壹斤用水參

升煎至一半去渣再煎如稠餈絞淨空心服三合

日二服

治漏下五色五地榆叁兩剉用醋壹升煮十餘沸去

滓稍熟食前服一合

干治婦人赤白帶下三葉酸漿草陰乾為末空心溫

酒下叁錢匕

右三方治帶地榆例寒澁之劑亦濕熱盛而滑脫  
者宜之按三葉酸漿草葉細如萍叢生莖端有三  
葉俗又名布谷飯布谷者鳩也蓋鳩常食之故又

名鳩漿草衍義悞入苦蕒條即曰三葉酸漿草豈  
苦蕒即酸漿歟苦蕒有子大如金柑味酸可食故  
草布地而生葉皆三瓣惟  
開黃花其莖葉皆酸者

按地榆本血分之藥而其性寒故凡血分有熱而  
妄行者能止之非泄劑也

丹治赤白帶下腰痛或少腹痛有熱者

- 樗皮 貳兩
- 延胡索
- 桃仁 十餘粒
- 側柏葉
- 川棟肉
- 懷香
- 當歸 各半兩
- 香附子 捌錢
- 官桂 去粗皮
- 烏藥 各叁錢
- 麥皮麩 壹兩

右末之酒糊為丸每服五六十丸神效

麒麟竭湯 治婦人血傷赤白帶下小腹疼痛

- 麒麟竭
- 黃檗 去粗皮
- 地榆 各壹兩
- 禹餘糧 火煨醋淬 各壹兩
- 赤芍藥 炒各壹兩
- 熟地黃 切炒肆兩

右剉碎每服三錢水一盞煎至七分去滓不拘時  
服一方為細末粥飲調下二錢

治白崩方

- 棕櫚 燒灰
- 絲瓜 俗云魚鱖夏月人家  
栽作涼棚者是也
- 右等分為細末空心酒調下

赤白帶下 女科 一

豆花散 治婦人白崩

右用白匾豆花焙乾為末炒米煮飲入燒鹽空心服數次即效紫花勿用

**漏**

調經補真湯冬後一月微有地泥水泔其白帶再來陰戶中寒一服立止大進飲食

麻黃半錢不

杏仁叁枚

桂枝少許

甘草五分

良薑壹錢

黃芪柒分

人參

當歸身

白木各伍分

蒼朮貳分

澤瀉壹錢

羌活肆分

防風貳錢

柴胡肆分

獨活

藁本各貳分

升麻根

黃芩各伍分

乾薑貳分

白葵花柒乃木

右除黃芩麻黃外都為粗末先將一味水二盞煎

麻黃一味令沸掠去沫入餘藥同煎至二盞又再

入黃芩煎至一盞去滓稍熱服空心宿食消盡

日高服之一時許可食早饌

本治婦人月經不調每行數日不止兼有白帶漸漸

瘦悴飲食少味累年無子地黃丸

熟地黃貳兩

山茱萸

白蕪荑

乾薑

白芍藥微炒

代赭石醋煨  
各壹兩

厚朴

白僵蠶 各半

右細末煉蜜丸如桐子大每服四五十九空心酒下日三服此麗老方婦人有白帶是第十等病令入不產育宜急治之此扁鵲過邯鄲聞貴婦人所以專為帶下醫也

垣桂附湯 治白帶腥臭多悲不樂太寒

肉桂 壹錢

附子 叁錢

黃芩

知母 各伍分

為粗末作一服水二盞煎至一盞法如常食遠熱服如少食常飽有時似腹脹加白芍藥半錢

如不思飲食加五味子貳拾箇如煩惱面上麻木如蟲行乃胃中元氣極虛加黃芪壹錢人參叁分甘草貳分升麻半錢

海香附六合湯治赤白帶下即四物加藜香桂也

大治赤白帶下年月深久不瘥

白芍藥 貳兩

乾薑 半兩

右各炒黃色同為末空心米飲調下二錢日二服  
二豆散 治耳鳴心躁腰脚疼重腹內虛鳴臍下虛冷頻下白水如疳湛濁證

白苳蔻

肉豆蔻

丁香

赤白帶下  
百五十六  
白茯苓

巴戟

丁皮

蒼朮

黑附子

桂心

人參

白朮

山藥

桔梗

藜香

粉草

右剉碎每服三錢水一盞半生薑三片紫蘇葉三片同煎至七分去滓空心溫服

鶴頂丸 治帶下之證有三未嫁之女月經初下止而即得或浴之以冷水或熱而扇或當風此室女病帶下之由有家之婦陰陽過多即傷胞絡風邪乘虛而入胞經觸冷遂使穢液與血水相連而下

之產後帶下由亡血失氣傷動包絡門開而外風襲肌體虛而冷風入冷風與熱氣相連故成液而下冷則多白而熱則多赤冷熱相交赤白俱下

當歸

柴錢半

附子

半兩炮

龍骨

鹽泥

吳茱萸

湯泡

赤石脂

火煨

乾薑

炮各

牡蠣

壹兩參錢

艾葉

壹兩以醋半

右為細末研勻醋糊和丸如梧子大以赤石脂末

為衣每服五十九空心用艾葉鹽湯烏梅煎湯下

濟生白聖丸

治婦人白帶久而不止腰膝冷痛日

漸羸困

赤白帶下

女科

百五十七



白堊

煨

禹餘糧

鼈甲

烏賊骨

各用醋淬及炙

當歸

酒浸

鵲巢灰

乾薑

紫石英

醋煨淬

附子

炮

狗脊

川芎

鹿茸

醋炙各壹兩

香附

醋煮貳兩以並為末

用醋煮糯米糊丸如梧子大每服七十丸温酒下

養氣活血丹

治勞傷衝任赤白帶下

大艾葉

炒焦取末伍兩

乾薑

炒末貳兩半

右二味用醋貳

升無灰酒貳升生薑自然汁貳升將薑艾末調

於銀器用慢火熬成膏

附子

白芍藥

白朮

橘紅

川芎

當歸

巴戟

去心糯米炒

人參

五味子

各二兩

右為細末入前膏內并炒熟熟白麵貳兩半和為

劑杵千下丸梧子大每服五十丸温酒或米飲下

菜萸浴湯 治下焦虛冷臍腹疼痛帶下五色月水

崩漏淋瀝不斷

吳茱萸

湯泡

杜仲

炒去絲

蛇床子

五味子

丁香

各壹兩

木香

丁香 各半兩

右剉如麻豆大每用半兩以生絹袋盛水三大碗

煎數沸乘執薰下部通手淋浴早晚二次熏洗  
垣坐藥龍鹽膏

丁香

木香

川烏頭炮各壹錢半

全蝎伍枚

龍骨

當歸尾

懷香

炒黃鹽

酒防已

肉桂

紅豆各貳錢

玄胡索伍錢

厚朴叁錢

良薑

木通各壹錢

枯礬半錢

右為末煉蜜丸彈子大綿裹留絲在外納陰戶內  
又方勝陰丹為上藥力小再取三錢內加行性熱藥

三柰子

川烏頭

大椒各伍分

柴胡

羌活各貳錢

全蝎叁箇

大蒜

破故紙與蒜同焙壹錢

甘松叁分

升麻

枯白礬各貳分

麝香少許

右為細末同前法用制

又方回陽丹

全蝎

升麻

甘松各貳

草烏頭

羌活各叁分

大椒

三柰子

萆撥

枯礬各伍分

川烏頭

柴胡各柒分

水蛭叁條炒

赤白帶下

女科一

百五十八

寅屯翅參箇去

大蒜

破故紙各二錢

炒黃鹽

壹錢必用之藥去之則不効

右為極細末依前制如指尖大用綿裹納陰戶中覺臍下煖為効

痲虛寒

酒煮當歸丸治癩癩白帶下疔脚氣腰已下如在冰雪中以火焙炕重厚綿衣蓋上猶冷不在寒之極也面白如枯魚之象肌如刀削消瘦之速也小便不止與白帶長流而不禁固自不知覺面白目青藍如菜色目眈眈無所見身重如山行步欹側不能安地腿膝枯細大便秘結口不能言無力之極

食不下心下痞煩心懊懣不在其苦面停垢背惡寒小便遺而不知此上中下三陽真氣俱竭故噦嘔不止胃寒之極也其脈沉厥緊而澀按之空虚若脈洪大而澀按之無力猶為中寒之證况按之虚空者乎按之不鼓是為陰寒之極也其空虚乃氣血俱虛之極也

當歸壹兩

藜香半兩

黑附子炮去皮臍

良薑各柒錢

右四味剉如麻豆大以好酒壹升半同煎煮至酒盡為度炭火焙乾同為極細末入

赤白帶下

炒黃鹽

丁香 各半兩

全蝎 叁錢

柴胡 貳錢

升麻根

木香 各壹錢

苦楝子

甘草 各半

玄胡索 肆錢

右與前四味藥末同為細末酒煮麵糊為丸如桐子大每服二十丸空心宿食消盡淡醋湯下忌油膩冷物酒麵

當歸附子湯 治臍下冷痛赤白帶下

柴胡 柒分

良薑

乾薑

附子 各壹錢

升麻

蝎稍 各伍分

甘艸 陸分

炒黃鹽 叁分

當歸 貳錢

黃檗

少許右件並為齋末

右用五錢水二盞煎至一盞去滓熱服為丸亦得右炒鹽例東垣回陽丹註云必用炒黃鹽無則不効蓋寒疝之要藥也

**排膿**

治帶下并腸有敗膿淋露不巳腥穢殊甚遂至臍腹更增冷痛此蓋敗膿血所致卒無已期須以此

排膿白芷兩壹單葉紅蜀葵根兩貳白芍藥白礬兩各半礬

燒粘另研餘為末同以蠟丸如桐子大空肚及飯前米飲下十九或十五丸候膿盡仍別以補藥佐之

大伏龍肝散 治婦人赤白帶下久不瘥肌瘦瘁黃

赤白帶下

女科

百六

有入經年崩漏不止諸藥不効脉濡微與此伏龍  
肝散兼白礬丸服之愈方見前

白礬丸

白礬 肆兩

附子 貳兩

黃狗骨頭 肆兩 燒灰

右粥丸桐子大每服三十九

以上並為末

消瘀血仲問曰婦人年五十所病下利數十日不止  
暮即發熱少腹裏急腹滿手掌煩熱唇口乾燥何也  
師曰此病屬帶下何以故曾經半產瘀血在少腹不  
去何以知之其證唇口乾燥故知之當以溫經湯主

乏  
溫經湯

吳茱萸 參兩

當歸

芍藥

芍藥

人參

桂枝

阿膠

牡丹皮

生薑

甘草 各貳兩

半夏 半升

麥門冬 壹升

右十二味以水一斗煮取三升分溫三服亦主  
婦人少腹寒久不受胎兼取崩中去血或月水來  
過多及至期不來

丹治赤白帶用五靈脂半生半熟為末酒調服

益母散 治帶下赤白惡露下不止益母草開花時

採搗為細末空心温酒下一錢日三服

香礬散神效方見崩中血見黑止條

丹赤白帶皆屬於血有出於大小腸之分黃荆子炒

焦為末米飲調服

天治帶下用芍藥炒黑為末每服二錢七調酒下

治婦人赤白帶下不問年月深遠日漸羸瘦起止不

得用刺薊根不以多少曝乾秤每壹斤以童子

右為細末每服二錢食前暖酒調下

玳瑁丸 治赤白帶下不止

玳瑁

續斷 各壹兩

安息香

麒麟竭

乳香

沒藥 各半兩

故錦灰 朱錢半

右為細末以蜜及安息香熬和藥末丸如菉豆大每服二十丸食前温酒送下

室女帶下 產寶第十四問未出女子有二病何也答

曰女子一病者經水初下陰中熱或當風卧或扇風

二病者太衝脉盛氣盛則内熱以冷水洗之二病者

或見丹下驚怖者若三者一有所受後必有帶下之

證也

神仙聚寶丹

治婦人血海虛寒外乘風冷搏結不散積聚成塊或成堅癥及血氣攻注腹脇疼痛小便急脹或虛鳴嘔吐涎沫頭眩眼花腿膝重痛面色痿黃肢體浮腫月候欲行先若重病或多或少帶下赤白崩漏不止驚怖健忘小便頻數或白時見虛熱盜汗羸瘦此藥不問胎前產後室女並皆治之常服安心去邪逐敗血養新血令有子

木香 另研

琥珀 另研

當歸 焙作末

沒藥 合末各壹兩

滴乳 貳錢半

麝香 研

辰砂 研各壹錢

針灸

崔氏四花穴治赤白帶如神 取穴法見

右為朱滴冷熱杵為丸每一兩作十五丸每服一丸溫酒磨下胎息不順腹內疼痛一切產難酒和童便磨下產後血暈敗血奔心口噤舌強或惡露未盡發渴面浮煎烏梅湯和童便磨下室女月候不調溫酒磨下半丸產後血氣不調童便磨下不拘時服

玉赤白帶

中極 貳寸半赤瀉白補

白環俞 壹寸半瀉陸吸補壹吸

撮又法

中極

白環俞 各拾伍壯

腎俞 貳寸半炙隨年壯

集又法

氣海

中極

白環俞 後穴取

三陽交

赤白帶下

針灸

取穴

補多瀉少  
灸未壯

三陰交

東又法

榮池

參分灸參拾壯在內踝前後  
兩邊池中脈一名陰陽穴

又法

陰陽

在足拇指下屈裏  
表頭白肉際是也

又法

三陰交伍分

交儀

漏陰

是穴刺入壹分灸參拾壯  
在內踝下伍分微有動脈

委中

白帶

心術如上下赤帶不已  
漸漸如蠶亦用此法

中極

承陰

中極

直兩傍柱  
骨下六分

曲骨

心婦人得子多變成白水淋漓而下經久身面虛腫

陰谷

絕骨

如喘滿

魚際透大淵

左右共肆拾玖呼  
治肺經水氣極妙

海帶病太陰主之灸章門穴麥粒大各三壯效

甲婦人下赤白沃後陰中乾痛惡冷陰陽少腹臍堅

小便閉曲骨主之女子赤白帶腰膈主之女子

赤淫太赫主之女子絕子陰挺出不禁白瀝上竅

主之女子赤白瀝心下積脹次竅主之女子赤

淫時白氣癢月事少中竅主之女子下蒼汁不禁

赤瀝陰中痒痛引少腹控眇不可俯仰下竅主之

女子疝少腹腫赤白淫時多時少蠡溝主之月事

不利見赤白而有身及前陰寒行間主之女子疝

及少腹腫溇泄癢遺溺陰痛面塵黑目下背痛太衝



赤白帶下  
主之 女子俠臍疝中封主之 女子疝瘕按之如  
以湯沃兩股中小腹腫陰挺出痛經水來下陰中腫  
或癢漉清汁若葵羹血閉曲泉主之 婦人下赤白  
裏急瘰癧五樞主之

診

素腎脉小急肝脉小急心脉小急不鼓皆為瘕論大奇

王註云小急為寒甚不鼓則血不流血不流而寒薄故血內凝而為瘕也

三陽急為瘕三陰急為疝王註云太陽受寒血聚為瘕太陰受寒血聚為疝

脉急者曰疝瘕少腹痛平人氣象論

脉師曰婦人帶下六極之病脉浮則為腸鳴腹滿緊

則為腹中痛數則為陰中癢痛則生瘡弦則陰疼制

痛 婦人帶下脉浮惡寒者不治

前白帶

丹治有孕白帶

濕熱

蒼朮 參錢

山茱萸 去核

白芍藥 各貳錢半

黃芩 炒

白芷 各貳錢

樗根皮 炒

黃連 炒

黃檗 炒各壹錢半

右為末糊丸空心温酒下五十丸

白濁白淫

大婦人小便白濁白淫者皆由心腎不交養水火不升降或因勞傷於腎腎氣虛冷故也腎主水而開竅在陰陰為溲便之道胞冷腎損故有白濁白淫宜服局方金鎖正元丹遺精病或因心虛而得者宜服平補鎮心丹雜病降心丹驚病威喜丸遺精病若因思慮過當致使陰陽不分清濁相干而成白濁者然思則傷脾故也宜用四七湯雜病吞白丸子雜病此藥極能分利更宜小烏沉湯雜病每貼加茯苓一錢重者益智二十枚去殼碾鹽煎服

薛前證若元氣下陷用補中

白濁白淫

女科

卷之二

白濁白淫  
 山茱萸  
 白芍藥  
 各取

益氣湯脾胃虧損六君加升麻柴胡脾經鬱結歸脾  
加黃蘗山梔肝經怒火龍膽瀉肝湯虛則用加味道  
遙散宜與帶下參看主治一婦人善怒或小腹痛  
悶或寒熱往來或小便頻數時下白淫藥久不愈面  
青口苦余以為積憤而不能發散所致用龍膽瀉肝  
湯而愈用加味道遙散八瓊湯而安

薑黃散 治血臟火冷腹脹疼痛小便濃白如泔

片薑黃 貳兩 大附子 炮壹兩 柳桂

赤芍藥 紅藍子 三稜 各半兩

木香 牡丹皮 芫花 醋浸炒

郁李仁 去皮 沒藥 各真錢半

右為細末每服一錢酒煎服如腹痛用當歸沒藥  
為末以水七分酒三分同煎熱服

內金鹿茸丸 治婦人勞傷血脈胞絡受寒小便白  
濁日夜無度臍腹疼痛腰膝無力

雞內金 鹿茸 黃芪

肉蓯蓉 五味子 遠志肉

牡蠣 桑螵蛸 龍骨

附子 各等分

右為細末煉蜜和丸如梧子大每服五十九食前

用温酒或米飲送下

二豆散 治耳鳴心躁腰脚疼重腹内虚鳴臍下冷

痛頻下白水如泔名湛濁證方見前赤白帶下

烏金散 治身熱口燥氣塊築痛下黄水如葵汁

百草霜炒 紫金皮米泔浸煮炒黄 粉草各等分

右為末每服二錢艾湯或醋湯空心調下 心嘈

猪血入鹽酒下 白帶用鯉魚一尾去腸不去鱗

將油髮一團入魚肚内黄泥固濟炭火内煨存性

去泥研魚為末每用一錢以陳酒調同前藥服

四七湯煎成送下青州白丸子常服最效

加味四七湯 治婦女小便不順甚者陰戶疼痛

半夏湯洗去沫 厚朴薑汁製 赤茯苓

香附子炒各伍錢 紫蘇 甘草各貳錢

右咬咀分四貼每服水二鍾薑五片煎八分去滓

加琥珀末一錢調服

鎖精丸 治小便白濁 白茯苓

破故紙炒 青鹽

五味子 各等分

為末酒糊丸空心鹽湯或酒任下三十丸

固精丸 治下虚胞寒小便白濁或如泔或如凝脂

腰重上

牡蠣煨粉

兔絲子酒蒸

韭子炒

龍骨

五味子

白茯苓

桑螵蛸酒炙

白石脂各等分

為末酒糊丸梧桐子大每服七十九空心鹽湯下

治婦人久積虛寒小便白濁滑數不禁

右用鹿茸屑炒黃為細末每服二錢空心溫酒調

下

又方用鷄脰脰炙為末空心酒調服二錢

女科證治準繩集之一

